

الدموع الناطقة الجزء الثالث

في رثاء النبي (صلى الله عليه وآله وسلم) وآله (عليهم السلام)

الشاعر جابر الكاظمي

مقدمة

قلّما يظفر المتأمل في سجل التاريخ بحادثة كحادثة الطف وقضية كقضية أبي الأحرار الإمام الحسين بن علي بن أبي طالب (عليهم السلام) في إثارتها للوجدان الجماهيري وتحريمها للعاطفة الإنسانية بصورة مستمرة وبنفس الزخم الذي زلزلت به ساحة الأحداث في المقطع الذي وقعت فيه تلك الملحمة الخالدة التي تراءت للناس أسطورة في ما عرضته من مشاهد وسطّرت من معاني وخلّفته من آثار.

ولئن كان للسماة دورها الرئيس في التخطيط لهذه القضية والتبليغ لها والعمل على إبقائها حية وهاجة مهما تقدم بها السن، فإنها لقاعدتها التي تبنتها وتعهّدت بالنضال في سبيلها هدفاً وفكراً ومنهجاً ورصيдаً وعملاً، ودوراً لا يغفل في إدامتها وترسيخها في الألباب والقلوب، إنها ظاهرة تناغم أخذ بين هذه القضية التي توقد بحرارتها النفوس فتطفق تعبّر عما يجول فيها من رؤى ومشاعر وبين هذه النفوس التي جنّدت لأداء وظيفتها إزاء هذه القضية كالزيت يحترق بالنار فيمؤنّها لتبقى شعلتها ملتهبة وملهبة ما دام له وجود.

ويبرز الشعر من بين فعاليات هذه القاعدة بما له من قوة في صياغة الفكر وقدرة في التعبير عنها وفعل في التحريك لها ليحتل مساحة مرموقة ويملاً فراغاً لا يُملأ بغيره من ألوان التصوير والتعبير.

وهكذا كان للقضية منذ البداية وعلى طول الخط جيش من الشعراء رفعوا راية الدم وعلقوا أوسمة الطف وبرزوا بعد ما تشبعت بأبعاد كربلاء أذهانهم وجاشت بالمأساة نفوسهم ليصوروا في قصائدهم ما نخلوه من معين قضية كان العطش معلماً من معالم المظلومية والمأساة فيها، فكان لتلك القصائد الأثر الكبير في الدفاع عن قضية كربلاء وفي إحيائها وفي تعظيمها.

ومن هنا كان تأكيد الأئمة (صلوات الله عليهم) على هذا الحقل ودعمهم للدور الرسالي الذي يمكن أن يقوم به، فهذا على سبيل المثال أبو هارون المكفوف يقول: قال لي أبو عبد الله (عليه السلام): (يا أبا هارون أنشدني في الحسين (عليه السلام) فأنشدته فقال: أنشدني كما تنشدون يعني بالرقّة قال فأنشدته:

أمر على جدث الحسين فقل لأعظمه الرّكبة

قال: فبكى ثم قال زدني فنشدته القصيدة الأخرى قال: فبكى، فسمعت بكاءً من خلف الستر فلما فرغت قال: يا أبا هارون من أنشد في الحسين شعراً فبكى وأبكى عشرة كتبت لهم الجنة، ومن أنشد في الحسين شعراً فبكى وأبكى خمسة كتبت لهم الجنة، ومن أنشد في الحسين شعراً فبكى وأبكى واحداً كتبت لهما الجنة، ومن ذكر الحسين عنده فخرج من عينه من الدمع مقدار جناح ذبابة كان ثوابه على الله ولم يرض له بدون الجنة).

ويروي الكميّ بن زيد فيقول: دخلت على أبي جعفر (عليه السلام) فقال: والله يا كميّ لو كان عندنا مال لأعطيناك منه ولكن لك ما قال رسول الله (صلّى الله عليه وآله) لحسان: (لا يزال معك روح القدس ما ذبيت عنا).

ويطالعنا الإمام الرضا (صلوات الله وسلامه عليه) فيما ورد عنه في مقام تحليل شعراء أهل البيت (عليهم السلام) بقوله: (ما قال مؤمن فينا شعراً يمدحنا به إلا بنى الله تعالى له مدينة في الجنة أوسع من الدنيا سبع مرات يزوره فيها كل ملك مقرب وكل نبي مرسل).

نعم إنها رسالة الشعر حين ينطق ليحرك الناس في خط الحق وليساهم في دحر الباطل وليؤدي دوره في مسيرة خلافة الله تعالى في أرضه.

و(الدموع الناطقة) حلقة من هذه الحلقات المتواصلة ذرفها شاعر موهوب من شعراء أهل البيت (عليهم السلام) وأنجبه الكاظمية المقدسة وهو الشاعر جابر الكاظمي، ويمثل الدموع الناطقة ديوانه الشعري الذي يتميز به من إبداع في التصوير وجمال في التعبير وإخلاص في العمل ورسالية في الطرح وجلال في المادة قد ملاً فراغاً كان لابد أن يسد تراثنا الأدبي الشعبي، الأمر الذي يبعث على أن نشدّ على يديه ونحيي جهوده ونكرم أعماله وندعو الله تعالى له بالقبول والتسديد.

في قصائد الكعدة

علي بن أبي طالب (عليه السلام)

يا علي شمس وگمر خل یسلموني
ما عوف حبك ابد لو گطعوني
حبك حياقي وبيك امنياقي
ما عوف حبك ابد لو گطعوني

* * *

يا علي حبك سعادته وانغمرنه بهالسعاده
ومصدر التقديس نورك واحنه ماشين ابرشاده
واللي يصفح عن طريقك ابد متفيدة العباد
حبك نريد انوصفه لا عن جهل لا عاطفه
مصدرنه من المصطفه عن بصيره وعن اراده
يا علي حبك شرف اهل الهدايه
وبگلي من سجلوا اسم الولايه
كملت صفاتي وبيك امنياقي
ما عوف حبك ابد لو گطعوني

* * *

يا علي الباري صهرلك ذات من ذاته وجماله
ومزج اوصافك ابوصفه وكمل وصفك من كماله
ومجمل اسرار الولايه انخزنت ابكنز الجلاله
لشخصك الباري امكمله وبالعالم العلوي اعتله
انته العلي وانته العله واعتلت بيك الرساله
يا علي نورك زهي بأوج المعالي
ولمن اوصفك يسموني مغالي
انته نجاتي وبيك امنياقي
ما عوف حبك ابد لو گطعوني

* * *

يا علي كل نبي ومرسل منك اتعلم دروسه
لنوح صانعه السفينه يللي شرك عصه موسى
من السجن نجيت يوسف وبالمهد كلمت عيسى
ابحكمتك داود انتصر وايوب من صبرك صبر
ويونس نقذته من البحر وانته للعالم شمس
يا علي ابتوحيدك الباري توحيد
واجعلك آية وفه بسورة محمد
ابمعتقداتي وبيك امنياتي
ما عوف حبك ابد لو كطعوني

* * *

يا علي ابوحدت ثباتك خالق العالم توحيد
صرت منبع للمعاجز ولك جبرائيل يشهد
باب علم الباري انت والمدينه اصبح محمد
يمثبت حروف السور نورك على الكون انتشر
من جانب الطور ازدهر واتصل بالحجر الأسود
يا علي مولودك ابمركز الكعبه
وكلب اليودك ابد ما ينسه حبه
يا ثمر ذاتي وبيك امنياتي
ما عوف حبك ابد لو كطعوني

* * *

يا علي ابجف اقتدارك ركزت سيف الاطاعه
الجنه والنار اجمعتهم بالحروب بكل براعه
بسيفك النار اشعلتها ووجهك الجنه بشعاعه
من سيفك النار اسعرت وابوجهك الجنه ازهرت
بيك العقيده اتحررت او وضحت معنى الشجاعه
يا حجة الباري يا خازن علومه
كلبي اليودك ردت تكشف همومه
ابساعة مماتي وبيك امنياتي

ما عوف حبك ابد لو كطعوني

* * *

يا علي ابتعيين قدسي اتعينت للدين قائد
واجعلك رب البريه ابكلب كل مؤمن مجاهد
واحملت راية مُجَد وانشرتها اعلاه العقايد
وبعدك كمر هاشم حمل هالرايه والنصر اكتمل
ولحسين حققه الامل وكشف عن كلبه الشدايد
يم النهر من وكع كوكب الدري
ناده أبو اليمه خويه اكسرت ظهري
وحانت وفاقي وبيك امنياي
ما عوف حبك ابد لو كطعوني

* * *

يا علي يا ريت حاضر كربله اتشوف أبو اليمه
عالگمر محني ويشاهد رايتيه المرميه يمه
ايصيح عگبك يا عضيدي دنيقي صارت مظلمه
هاذ آنه اخوك حسين حاضر يمك
يا طود عزمي يا هو هدم عزمك
يا خويه جيتك رايد احمل جسمك
عيلتك يتنطروك ابخيمتي ويتنطروني

* * *

جاوبه العباس خويه جثتي اعلاه النهر خلها
واعدت سكنه تراني ولو رحت يمها شگلها
لون عندي عيون اروحن يمنها واعصر عيني الها
لاچن يخويه السهم صوب عيني
وانگطعت بسيف الكدر چفيني
خليني مرمي اعلاه النهر خليني
بيش اروحن للمخيم وانطففت شمة عيوني

* * *

حسين جاوب گمر هاشم آه يالمصوب شوفك
بطل حيلي عليك خويه اشلون راح امشي واعوفك
ريت متگطعه چفوفي ولا شفت گطعت چفوفك
يا ابا الفضل روجي الحزينه تنوحك
ما بين ما گاعد واعد جروحك
بين ايدي يا عباس غابت روحك
بين ابويه انهدم حيلي ابكريله وخابت ضنوني

* * *

بين ايد حسين غابت روح أبو فاضل عضيده
گام چنه هلال ظهره منحي وعالظهر ايده
نشّف دموع المصبيه النوح يدري ما يفيده
واظهرت هاي الجلمه من گلب حسين
ودعتك الله يا گطيع الجفين
راح ارجع لعيلتك يا نور العين
شرد اجاوب هاليتامه والحرم من ينشدوني

* * *

عيون بالصيوان تربّي من الارامل واليتامه
تنتظر وليان الها بلچن تعود ابسلامه
ساعه لن رد أبو اليمه منفرد گاصد خيامه
وضجت العيله اتصيح يا والينه
شنهو السبب ردیت وحدك لينه
يحسين چا بدر الهواشم وينه
گلها طاح اعله الشريعه وكسر ظهري وخطف لوني

* * *

ثورة الحسين (عليه السلام)

ابموقفك يحسين تشهد كربله
حاشاك ترضه الظلم حاشاك
والهادي وصاك

* * *

فجرت يحسين ثوره ابكربلا والهدف واضح
للظلم هزيت عرشه واكشفت اهل المصالح
ابوجه خصمك صحت صيحه لا اساوم لا اصالح
والهدف يحسين الهدف واضح وللناس انكشف
ضحيت دمك للشرف ناجح ابماالهدف ناجح
صوتك يظلوم بالطف اعتله
للظلم ما صافحت يمناك
والهادي وصاك

* * *

اليدرس اهدافك يشاهد كل هدف من عنده آيه
صار فكرك بالشهاده تفتح دروب الهدايه
قائد وكل مفاهيمك عن بصيره وعن درايه
قدمت للعالم درس الحر يلتزم عز النفس
واغرست من دمك غرس مثمر او نجحت الغايه
والغايه يحسين تحرير المله
وما نكست هامتك لعداك
والهادي وصاك

* * *

الهادي وصاك أبوصيه للظلم ما تمد ايديك
ولو دعاك الدين تمضي وللشرف تعرض وريديك
نَقَذت كل الوصايه واضمنت بالطف رصيديك

شفناك انتہ الواقعي اتضحی گبل ما تدعي
ضحيت دمك عن وعي وللظلم ملويت جيدك
فكرتك يحسين فكره عادله
بالشدد ما غيرت مسراك
والهادي وصاك

* * *

ابكر بلا گوم آل اميه أبد ما گدرت تخدعك
اتقدمت واعلنت ثوره بالابه والابه طبعك
قدمت كل مغريات الدنيه ما گدرت تمنعك
شافتك بالعز والفخر امصم على كقطع النحر
صرختك ظلت بالدهر تدوي والواعي يسمعك
تاج الكرامات لوجودك حله
واعله الشهاده افتحت عيناك
والهادي وصاك

* * *

كل مفاهيم الشهاده ابدمك الطاهر تشرعت
والذي رادت تخدعك تالي بالنتائج انخدعت
جيش سبعين الف طاغي عليك بالميدان طلعت
وانشهرت سيوف الظلم رادتك بالطف ترغم
سبعين الف باغي وخصم ابكر بلا اكبالك توزعت
واصعدت يحسين ظهر ام العله
جابهت كل ظالم تحداك
والهادي وصاك

* * *

بالعزم سلّيت سيفك وادخلت سوح الحرايب
صارمك لمن ترفعه ترفع اصفوفه الكتائب
من ثباتك من صمودك شافت الكوم العجايب
من خذت وجه الملحمه بيبك اسعرت نار الضمه

غسلك دهرک بالدمه وچفنك من التراب
والاشد يحسين سبي العايله
اتجيب العيال لكربله وياك
والهادي وصاك

* * *

گبل لا تطلع سبيه اتعننتك زينب تحشمك
نادتك تعذرني خويه لو عفت عالترب جسمك
هالامر لو چان بيدي اگضي طول العمر يمك
يا مظلوم جسمك اشلون انعوفه
وامشي اليوم ويه الحرم للكوفه
وويه الكوم متروعه ومجتوفه
گوم باصري يخويه اشلون للشامات اطلع

* * *

طهران / ۱۹۸۵ م

وداع القاسم بن الحسن (عليه السلام)

من جمر الظلوع من نار الدموع
يبيني يجاسم بالخيم اعلكلك شموع
من نار الدموع

* * *

سالت دموع العواطف من شفت رمله الغريبه
ابوسط صيوان النوايب حانيه ظلوع المصبيه
تنظر لحوفة ولدها والچيد يسعر لهيبه
صاحت ومدمعها همل گليي يجسام انوجل
ابغييتك لو ضاع الأمل هالامل يا هو اليجييه
عگبك يجاسم تغدرني الأيام
ورمش الجفن ما ينزرع لو شفته مگطوع
من نار الدموع

* * *

يبيني يا غصن المحبه اللي سگيته ابفيض دمعي
اسهرت برباك الليالي او عالمهد شدت ظلعي
چنت مامونه بوجودك، كربله غيرت وضعي
گليي ابوداعك ملتهب وعگليي يجاسم منسلب
واتعلمت فن النحب وصار طبع النوح طبعي
واحترگت الروح من شهگة النوح
والگلب ظل المحوفتك هايم ومفزوع
من نار الدموع

* * *

لا تضرن احزن يجاسم للحرب لو ردت تطلع
مثل ما درعك لبسته بالصبر گليي تدرّع
وچبدي تتضمّد جروحه لو شفت جسمك امگطع

عهدك تضحي يا شهم والوفي ابعده يلتزم
ارضعتك وفه وطيب وعزم گوم وفيلي المرضع
والحسن وصاك تتحنه بدماك
ومنهج وصية والدك بعيوني مطبوع
من نار الدموع

* * *

انشهرت سيوف الاعادي وشبجت رماح المنيه
والحسن وصاك يني وبالك اتعوف الوصيه
وهذا سيف الموت بيدك لاهب ابجمر الحميه
والشهم لو طب للحرب يكلبها للحومه كلب
گوم ازرع ابسيفك رعب واحصد رگاب آل اميه
بيك العزم لاح گوم اقبض ارواح
وگلي يظل ابفرگتك هايم ومفجوع
من نار الدموع

* * *

كل شمايل بني هاشم بيك يا جسام تظهر
الهيئه من هيبة مُجَّد والعزم من عزم حيدر
وارث من الحسن علمه والحسن للعلم مصدر
مثلت جعفر بالشيم وارث من الحمزه الهمم
ومن أبو السجاد الكرم وسطوتك سطوة الأكبر
بالعزم والباس تشبه العباس
تنبع وفه وهمه وامل وعيوني ينبوع
من نار الدموع

* * *

من سمع رمله تشجعه هاجت ابكلبه الشجاعه
اخذ سيف الموت بيده مدرع ابدرع الاطاعه
صاح هذا اليوم اريد اوفيلچ حگوگ الرضاعه
لَوَّح على متون المهر وسيفه نضح سم وجمر

شد على الكون ابن الطهر ابزود وابجمه وبراعه
لن يسمع الصوت ليهكم الموت
وصوتي يظل بكل زمن عالظلم مرفوع
من نار الدموع

* * *

روع الحومه وزلمها وصار امر الحرب بيده
وسمع اصوات الشهاده اتحشمه لگطعت وريده
عرض جسمه للهنادي وضحه من اجل العقيده
جاسم توسد مصرعه
ورمله ابولدها امصدعه
شاهدت جثته امگطعه
صاحت مبارك زفافك يالنويت اعله الشهاده

* * *

طهران / ١٩٨٤ م

نكبة السبي

رجعنه من اليسر للطف رجعنه وعلى گبرك ييو اليمه انجمعنه
جيت وجبت الايتام من الكوفه والشام
رجعنه من اليسر للطف رجعنه

* * *

رجع ظعنك ييو اليمه گوم واتلگه الظعينه
وراسك اويه الظعن عود واعله گبرك يدلينه
والحرم ناشدت راسك وين گبر حسين وينه
والراس صاح هناك گبر المظلوم
وبالهامناشد ذاب جبدي المالموم
گوم او تلگه الظعن بين امي گوم
اجينه ولا چن بيا حال اجينه يساره وجارت الدنيه عليه
نشرنه سود العلام من الكوفه والشام
رجعنه من اليسر للطف رجعنه

* * *

ريت سهم الگطع چبدك گطع جبدي گبل چبدك
وريت چف الحفر لحدك حفر لحدك گبل لحدك
أمنت عيلتك عندي وأمنت دلالي عندك
هذا الظعن سالم الك رجعتنه
رجعلي گلي العالترب امنته
يمك ييو السجاد گلي افرشته
اشجرالي ابكريله تدري شجرالي تضعضع وانهدم بيتي العالي
لا چن اصعب آلام من الكوفه والشام
رجعنه من اليسر للطف رجعنه

* * *

ابكريله خلعت گلي وخيمت عالظعن روحي

اجمعت ايتامك ابجدي ونيمتهم على جروحي
وصحت يا روعي الحزينه نوحى عالمظلوم نوحى
يحسين خانت باليسر ايامي
وراسك على راس الرمح جدامي
وبالدرب طفله انفگدت من ايتامي
مشينه وعالترايب نسيناها وراسك ثكل للطفله تناها
وعالطفله الكلب هام من الكوفه والشام
رجعنه من اليسر للطف رجعنه

* * *

هاذي طفله وبعد طفله نامت ابجر المنيه
شافتك بالطيف يمها اتضمها بجفوف الابه
فرت من النوم شافت دارها وحشه وخليه
فرت من النوم ودمعها مدمي
صاحت يبويه اساع شفتك يمي
لا وين عني رحت واشتد همي
يا زينب يعمه ساعديني ابويه شفته واتصوبت عيني
اشلون الجرح يلتام من الكوفه والشام
رجعنه من اليسر للطف رجعنه

* * *

يزيد لمن سمع صوت الطفله ناده سكتوها
جاوبوه الطفله شافت بالحلم يمها ابوها
صاح اخذوا الراس يمها ابهاالوضع لا تخلوها
واحضروا راسك بالطشت يا مذبوح
شبيگته الطفله وظلت عليه اتنوح
من گلبنها غاييه منها الروح
مصايب شفنه بين امي مصايب وفگد الطفله راواني العجايب
وگلي ابفگدك انظام من الكوفه والشام
رجعنه من اليسر للطف رجعنه

* * *

هاذي طفله وبعد طفله وكفت ايمجلس اميه
الشامي من شاهدها ناده لو يصح هذا بديه
چان هالطفله خذتها وخادمه تصبح إليه
والطفله ظلت بالمصاب تنادي
يردوني اخدم وآنه بنت الهادي
وآنه رسول الله وعلي أجدادي
يهلنه والله ما تقبل شيمكم اصيرن خادمه يهلي عجبكم
حگها عيوني متنام من الكوفه والشام
رجعنه من اليسر للطف رجعنه

* * *

هذا حال الطعن هذا من رحت يحسين عنك
اتعوفي وحدي غريبه هالامل ما چان منك
خويه لتخبب ضنوني يللي ما خبيت ضنك
هاليوم يجري اعله الكبر مدمعنه
واشلون ضيعه عگب عينك ضعنه
والكبر جدك انهض ورجعنه
اعتنينه لكربله وياك اعتنينه يخويه ومن يردنه للمدينه
شفنه سود الأيام من الكوفه والشام
رجعنه من اليسر للطف رجعنه

* * *

طهران / ١٩٨٦ م

لسان حال الشاعر

ثورتنه لجل الاصلاح ثورتنه
وهاصرخه بالحگ تعله هيهات منه الذله
ثورتنه لجل الاصلاح ثورتنه

* * *

يا حسين ابكل زمان اتخاطبك اهل الضماير
وهاذي صرختنه العظيمة اعتلت من جوف الحناجر
انبايعك بالروح بالدم بالنفوس وبالمناحر
يحسين احنه امتك ننهج بمنهج سيرتك
بالدم نضحى لنصرتك ونرفض الظالم الجاير
صرختنه بسمك يحسين صرختنه
بيها النصر يتجله هيهات منه الذله
ثورته لجل الاصلاح ثورتنه

* * *

يا حسين الامه تحتف انتة قائدنه وحمانه
ولون ما دمك الطاهر ما ثبت ركن الديانه
ياللذي ضحيت دمك مثلك انضحى ابدمانه
يا شبل حماي الحمه نفديلك ارواح ودمه
ونرفض الطغمه الحاكمه وبسمك يرفرف لوانه
رايتنه راية توحيد رايتنه
واللي نشدنه انگله هيهات منه الذله
ثورته لجل الاصلاح ثورتنه

* * *

ثورتك يحسين صارت درس لصحاب الهدايه
وهاالدرس بالطف تسجل من دمه نحور الضحايه
انريد نتفهم الواقع عن بصيره وعن درايه

من غابلت طاغي الدهر كل ضنه بالحرب انتصر
ما يدري هوه اللي خسر واته ناجح بالنهايه
علمتنه هالثوره دروس علمتنه
والموت بالعز يحله هيهات منه الذله
ثورته لجل الاصلاح ثورتنه

* * *

نحضتك يحسين نهضة شرف للامه المجيده
والذي ايسير اعله نهجك مثلك ايقدم وريده
انته قائد للمسيره واته نبراس العقيده
يحسين يا تاج المجد عن سيرتك ما نبتعد
دمنه وبه دمك يتحد وهادي غايته الوحيد
غايته نشر الاحكام غايته
وهذا الشعار انسجله هيهات منه الذله
ثورته لجل الاصلاح ثورتنه

* * *

ابموقفك حزت الخلود وما إلك واحد منافس
غابلت سبعين الف ما بين مغرور ومعاكس
واته اصحابك عدددهم سبعة وثمانين فارس
ويوم الدخلت الحومتك سبعين الف ما همتك
وارفعت بالطف صرختك وصحت بوجوه الاشاوس
حومتته تشهد هاليوم حومتته
چف الطغاه انشله هيهات منه الذله
ثورته لجل الاصلاح ثورتنه

* * *

هدمت عرش آل اميه ابعزمك وزودك وصبرك
للشرف ضحيت دمك بالحرب، واضمنت نصرك
طحت عالتربان مرمي وجالت الخيل اعله صدرك
عالترب جسمك من وكع ما ظهر من عندك جزع

وصوتك يبو اليمه ارتفع وترجمان الصوت نحرك
غدرته گوم الطغيان غدرته
الموت ابشرف منمله هيهات منه الذله
ثورته لجل الاصلاح ثورته

* * *

من طحت يحسين مرمي وعالوطيه يسيل دمك
اطلعت زينب لن تشوف سيوف ورماح اعله جسمك
جرت عبرات المصبيه، وظلت تنادي وتحشمك
وينك بين عقد الوله
ظلت غريبه العايله
وجارت عليها كربله
گوم يا مظلوم وانظر حالة العيله الغريبه

* * *

طهران / ١٩٨٦ م

الحقايق

دنياك دنياك ما تنعرف دنياك
اخذ الحذر من عدها وبالك لا تعاها
ما تنعرف دنياك

* * *

يا اصيل الفكر اسمع واخذ من عندي النصايع
ابتعد عن ساحل الدنيه اتعيش طول العمر ناجح
والدهر لو يمد جفه بالك لجفه تصافح
اخذ الحذر من الدهر چم وچم من گيلك غدر
والكوفه تعرضلك صور اشلون ركضت عالمصالح
اشراك اشراك للحگ نصبو اشراك
الوادم لا تامنها واخذ التجربه منها
ما تنعرف دنياك

* * *

ايعيش صافي الفكر كل من يكشف افكره الحقيقه
وينعرف يا هو عدوه وبالشدد يا هو صديقه
وييدي بفكاره يقرر سيرته ومسلك طريقه
اليسلك طريق المعتقد يبتعد عن درب الحسد
ولمسلم ايوفي العهد ودمه صار انه وثيقه
ناداك ناداك صوت الشرف ناداك
الكوفه اشما نوصفها محد گدر يكشفها
ما تنعرف دنياك

* * *

من صميم الروح نرفع صرخه من جوف الضماير
ابذلت يا مسلم حياتك ما ردت بالدم تتاجر
ردت تثبت للزمان التضحيه مو بالمظاهر

ولا بالرياء وبالدجل ولا عن غرور وعن جهل
المؤمن الیصدگ بالعمل اېمنهج الحگ ېېگه ساير

وياك وياك كلنه نسیر وياك

انته الاصل والغايه وغيرك فاشل ابرايه

ما تنعرف دنياك

* * *

شيدت مجدك یمسلم والدمه الثبت اساسه
وشفنه غيرك ناس كثره هايحه ابفن السياسه
بالطمع بذلت جهدها للمناصب والرئاسه
وانته یمسلم جاهدت ما خنت لمن عاهدت
بدمك لمجدك شيدت عن بصيره وعن دراسه
بدماك بدماك حزت النصر بدماك

وغيرك انته تدريها حب الكرسي عاميها

ما تنعرف دنياك

* * *

الدنيه مثل البحر صارت وبالبحر صرته سفينه

بيها ملاحين كثره والرياح اتدور بينه

نوبه شرجي ونوبه غربي والهوه يلعب عليه

وموج البحر بينه انحدر وقائد سفينته انغدر

وانصيح من هذا البحر وينه الينجيه وينه

ننخاك ننخاك ابصوت الحزن ننخاك

عرش الحكم شتته وانحدرت سفينته

ما تنعرف دنياك

* * *

وبعد يا مسلم اضربلك هالمثل من گلب ذايب

صرنه مثل الاسد لمن يوغع ابين الثعالب

احنه نفدي للعقيده وهيّه تركض عالمناصب

وصار المثل بينه يصح مثل الحمامه التندبح

اشما نرفس ايزيد الجرح وشفنه بالدنيه عجائب

بحماك بحماك صرنه اليوم بحماك

هاي الامه مجروحه وكلمن حاير ابروحه

ما تنعرف دنياك

* * *

الكلب لمصايك بمسلم تنظفي وتستعر ناره

وعالارض من رموا جسمك من سطح قصر الاماره

طاح طود الشرف والعز والشرع هدموا داره

ما تطفه نيران الجيد

وابطيحتك طاح المجد

وابفگدك العز منفگد

وتظل نيران المصايب تسعر ابضامر الامه

* * *

طهران / ١٩٨٤ م

فخر الشباب علي الأكبر (عليه السلام)

سهم فگدك رماني وغدر بيه زماني
يالاکبر بالجفن ما ظلت دموع
غدر بيه زماني

* * *

يبي يا زهرة وجودي الجانت ابا مالي تكبر
يا نسيم اليمر بيه ومته دلالي تعطر
يا لحن اوتار گلي المن صميم الكلب يظهر
يا برعم الروح الندي ابدمعي سگيتك يولدي
موعدك حان وموعدي وخابت آمالي يالاکبر
حياتي من حياتك ومماتي من مماتك
يغصن اللي زرعتہ بين الظلوع
غدر بيه زماني

* * *

فراگك ايغيب الروح وردت يالاکبر اخبرك
ابالمصاب انگطع نخري گبل لا ينگطع نحرک
ما چنت ادري المنايه ابدمك الطاهر تعرفك
روحي امصابك ذايه ذوبها جمر النايه
والگلب عازم عالابه وإحتزم بحزام صبرك
وجودك من وجودي اكسبت بسمك خلودي
ينبراس العلى الهامات مرفوع
غدر بيه زماني

* * *

يا هلال اللي تخضب بالدمه وجسمه تگطع
يا نمير النشف موحه وصار عالوجنات مدمع
ثبت ركن الصبر بيّه وركن آمالي تضعضع

يا شغف روعي الهايمه يا جبدي المتخدمه
اشغسلك من فيض الدمه اشچفك من ثره المصرع
غفت روعي ابهيامي ونفذ سهم المرامي
ودليلي طلع من ظلوعي مفزوع
غدر بيه زماني

* * *

من شفت جسمك اموذر حرّت ابكلي المصبيه
وسهم فكدك فجع روعي وصرت برض الطف غريبه
ليش جثتك على الغيره اموسده وبالدم خضيبه
يا موح البعيني يصب لا تبكه مرمي اعله الترب
گوم وتوسد بالكلب بلچن اتحمد لهيبه
احملت بالطف مصايب شفت بيها العجايب
اهيم ويه الصبر والكلب مفجوع
غدر بيه زماني

* * *

ابفرگتك يا ريع جبدي منهو اليحمد غليلي
فوك نار العطش نار مصيبتك حرگت دليلي
والهدم حيلك يالاكبر گبل حيلك هدم حيلي
وطيرة العبدي الصابتك صوبت كلي ابفرگتك
يا بدر عمري ابغيبتك صار موحش وجه ليلي
طفوا شمة حياتي ودنت ساعة مماتي
يالاكبر من شفت منحرك مگطوع
غدر بيه زماني

* * *

كربله هدمت بيتي والنوايب صوبتي
وبالهظم جمرات حزني بالهالمصايب ذوبتي
فرگتك تسهل عليه فكد ابوك الاشد بيني
صابتني رميات الدهر

لاچن اشد واصعب وامر
نايية محزوز النحر
مصاب ابوك حسين خله الدمع ويه دموم يجري

* * *

ييني مو هيئن مصابك يا شبيه النبي الهادي
لاچن الهوئن مصابك والدك بين الاعادي
صار مكور للعوالي وشابچه عليه الهنادي
يوم الوكع طود الابه
خلاني انسه الناييه
ومن شف جثته مخضبه
انخدم حيلي وخاب ضني وذاب قلبي وخلص صبري

* * *

طهران / ١٩٨٢ م

ليلة الحادي عشر

بين امي هاك عتايي شيطفي نار مصابي
وشيداوي گلبي المجروح وابيعني شفتك مذبح
شيطفي نار مصابي

* * *

چني حاضر بالطفوف واستمع صوت المصاب
صوت من كلب العقيله وهالكلب بالحزن ذايب
اتصيح يا مظلوم المن اشتكي والمن اعاب
نار الخيم متوجره وجسوم اهلنه امودره
مو جثث چنها اعله الثره بدور چنها اعله التراب
جار الدهر بين امي شيطفي جمرة همي
لا مهجه عندي ولا روح وابيعني شفتك مذبح
شيطفي نار مصابي

* * *

يا حسين اخدم حيلي وحايه بيا عين انظرك
وطاحت بيوت المعالي من طحت من ظهر مهرك
وينگطع يا ريت نخري، گبل لا ينگطع نخرك
گلبي لمصائبك منجرح ناديتك ودمعي يسح
يا ريت گبلک انذبح وافدي عمري گبل عمرك
بين امي غابت روعي اكعد واسمع نوح
حگه الكلب من ينوح وابيعني شفتك مذبح
شيطفي نار مصابي

* * *

من وگع بدر الهواشم وگع بيتي الجان عالي
ومن وگع شبلک الاكبر ضيعت عزى ودلاي
ومن طفوا شمعات جاسم رخص دمعي الجان عالي

ناديتك ابفيض الدمع اكعد ومن عندي استمع
يحسين اصعب كل وضع حين رد المهر خالي
مهرك رجع لخيامك واتلگته ايتامك
والنظر يملك مشبوح وابيعني شفتك مذبح
شيطفي نار مصابي

* * *

من رجع مهرک يخويه وكا صلب لصبوب المخيم
يصهل ينادي الظليمه والحزن عاليله خيم
اتلگته الايتام تصرخ بالدمع والحزن والهيم
وناديتيه بدموع الصبر خبرني بالله يالمهر
وين اتركت ابن الطهر كال عفته اموج بالدم
يم جتتك وداني واعله الجسد دلاني
جيتك ودمعي مسفوح وابيعني شفتك مذبح
شيطفي نار مصابي

* * *

لمصرعك بين أمني جيت وشفت عالتربان جسمك
شلت من عالترب نحرک وايدي متخضبه بدمك
صحت يالباري تقبل مني قربان ارد اسلمك
يا خويه والمدمع همل متحيره وخاب الأمل
ما ادري ارجع للاهل لو اظل يحسين يملك
متحيره يالوالي منهو اليلم عيالي
واشلون اعوفك مطروح وابيعني شفتك مذبح
شيطفي نار مصابي

* * *

غصب عفتك على الغيره ورحت اتفگد ايتامي
شفت يا مظلوم خيل ونار بموسط خيامي
حرت اشگف عن عليك لو عن الخدر احامي
ناديت ودموعي تصب متگلي شيصير الكلب

يجمع أرامل بالغرب لو يصد سهم المرامي
باليسر لو مشوني منهو اليشد ضعوني
ما تقبل الروح اتروح وابعيني شفتك مذبوح
شيظفي نار مصابي

* * *

ابگلبي نيران المصايب تطفه جمره وتشب جمره
واللي خلاني انوحن وانحب واسجب العبره
اشلون راح امشي وعوفك دامي وموسد الغبره
اشلون امشي واطلع بالظعن
وانته على تراب المحن
طايح رميه ابلا چفن
يا شهم ودعتك الله وراح اعوف الروح يمك

* * *

طهران / ١٩٨٦ م

سيد الساجدين (عليه السلام)

يا قلم سجل سجل محتوانه
والحرير يظهر يظهر من دمانه
اكتب ابدم الوريد ما نمد للذله ايد
يا قلم سجل سجل محتوانه

* * *

من گلب زين العباد ارتفعت اصوات الامامه
احنه اهل البيت احنه انضحي من اجل الكرامه
ابكل زمن عدنه ضحاياه اعله الثره وعدنه يتامه
قاومنه احكام الظلم وارفضنه كل طاغي وخصم
ضحينه مو لجل الحكم لا ولا لجل الزعامه
احنه قدمنه قدمنه المناحر
ردنه تتوعه تتوعه الضماير
هذا مبدئنه الوحيد ما نمد للذله ايد
يا قلم سجل سجل محتوانه

* * *

آنه شبل حسين آنه گبال كال مغرور ثاير
دونت اشرف صحيفه لأجل تحريك الضماير
مو صحيفه اتگول ثوره اتفجرت عالعدو الجاير
بيها الخطب والادعيه تحمل معاني ساميه
اتفسر دروس التضحيه وحشمت أهل البصاير
هذا ضاهرها ضاهرها عبادي
شوف باطنها باطنها جهادي
وهذا مغزاها البعيد ما نمد للذله ايد
يا قلم سجل سجل محتوانه

* * *

آنه من دوحه مُجد للمجد ضامن رصيده
اليطلب العز والكرامه للذبح يعرض وريده
لا كيان بلا ضمير ولا ضمير بلا عقيدة
ولا تضحيات بلا شيم ولا شيم من غير الهمم
اكتب وسجل يا قلم دروس للأمة المجيدة
بالدهر واضح واضح معتقدنه
أبد ما نخلف ما نخلف عهدنه
بما العهد احنه نريد ما نمد للذله ايد
يا قلم سجل سجل محتوانه

* * *

آنه من موقف حسين اكتبست دستور الشهاده
لا شجاعه بلا ثبات ولا ثبات بلا اراده
ولا اراده بلا ديانه ولا ديانه بلا عباده
ايماني من المصطفه ومن حيدر اكسبت الوفه
وبالحسن احساني اكتفه ومن أبو اليمه اعتقاده
حسين اخبرني اخبرني ابمصري
رفع هالصرخه هالصرخه ابضميري
اسمع شصاح الشهيد ما نمد للذله ايد
يا قلم سجل سجل محتوانه

* * *

صار طبع الصبر طبعي وبالصبر تشهد ايامي
گبالي ضحوا كل اخوتي ووالدي واهلي وعمامي
ابكربله بس حرم ظلت والعهده حرگوا خيامي
والجسم ذايب بالمرض والعلل تمشي ويه النبض
والجفن لحظه ما غمض ساهر ويحرس ايتامي
گبالي ايتامي ايتامي اسلبوها
وحتي لخيامي لخيامي احركوها
وصحنه خل يسمع يزيد ما نمد للذله ايد

يا قلم سجل سجل محتوانه

* * *

ابفگد أبو اليمه وعمامي واخوتي مزداد همي
الگوم ما چان اغدروني لون چانوا اهلي يمي
چبدي من سمهم تگطع مثل چيل الحسن عمي
يالباقر انظر حالي

يني ويزهرة مهجتي

هاك استمع لوصيتي

* * *

طهران / ١٩٨٦ م

فاطمة العليّة

من طلع ظعن الهواشم طفله عافوا بالمدينه
تصرخ ابصوت النوايب وين ابويه حسين وينه

* * *

رفرف جناح المنيه وعرجت عيلة الهادي
سارت ابظعن الشهاده وبالظعن طوّح الحادي
عافوا الطفله العليّه وعالظعن ظلت تنادي
وين رايد بالمحامل وين يا حدي الظعينه

* * *

فاطمه الطفله العليّه بالمرض ذايب جسمها
وطلع ظعن الاهل عنها لكربله وازداد همها
ظلت الطفله وحيده لا ولي ولا اخوه يمها
والكلب تستعر ناره وذايب ابجمرة ونينه

* * *

حين سار الظعن عنها فكدت الطفله املها
تنظر ديار النبوه خاليه وهاجت عللها
اتحوم باطراف المدينه وما تلمها ديار اهلها
غابت ابدور السعاده وظلت الطفله حزينه

* * *

اشلون صيحه الطفله صاحت وين ابويه اليجلي همي
وين الاكبر وين جاسم وين صار الكمر عمي
ليش عافوني وحيده ليش ما ظل والي يمي
خيمنت سود الليالي والدهر جارت سنينه

* * *

حايره ابوليه زماني والكلب بالهم تفطر
وين ابويه الكال عمج واخوتج بالشده تحظر

لا كمر هاشم لفاني ولا وصلني علي الأكبر
واللذي موعود تبكّه اعله الدرب مشبوحة عينه

* * *

انكطعت آمالي ابسفركم يا هلي وانفجع كلبني
طال موعدكم وعيني ظلت اعله الدرب تري
ولو ردت انشد واعاتب من يجاوبني اعله عتبي
بالمدينه عفتوا جسمي وروحي وياكم رهينه

* * *

يا هلي ابمسره الهوادج روحي ويه الظعن سارت
وعلى فراش المرض جسمي والمنيه عليه شارث
والمصبيه استوحدتني والمحن والدنيه جارت
والجبد باللوعه ذايب من اثره جمره حنينه

* * *

حگها ما تدري ابوها اتوذر وذبحوا انصاره
ولا درت جثه الاكبر عاترب دمها ايتجاره
ولا درت جسام طقّوا شمعتة ابوسط المعاره
ولا درت بدر الهواشم كطعوا ايساره ويمينه

* * *

الامل كل الامل عدها بالظعينه حسين يرجع
تدري حي واليها لاجن طود همتها تضعضع
اشلون لو تسمع شملها ابديرة الغربه توزع
اشلون لو شافت ابوها بالسيوف امكطعينه

* * *

طهران / ۱۹۸۵ م

حبيب بن مظاهر

ابساحة الطف نفتح ابواب الشهاده
بالصمود وبالثبات وبالااراده
احنه انصارك حسبه حسابنه
نمد گبلک ییو الیمه رگابنه
بالصمود وبالثبات وبالااراده

* * *

من ضمیر التضحيات اعتلت اصوات الكرامه
صاحوا انصار الخلود انضحي من اجل الامامه
مو لجل حفظ المناصب لا ولا لجل الزعامه
هالصوت يدوي ابكل عصر مرتفع من برج النصر
وابكل زمن ظل مستمر وكشف للعالم ظلامه
هذا صوت التضحيه وصوت العقيده
واليضحي للشرف يضمن رصيده
واحنه وقّعنه ابدمانه كتابنه
نمد گبلک ییو الیمه ارگابنه
بالصمود وبالثبات وبالااراده

* * *

بالمناحر والنفوس انضحي مثلك ييو اليمه
وصحنه بوجوه آل اميه احنه امه وانتوا امه
وهذا دستور الرسول وصار بالاعناق ذمه
وحسين هذا ضنوته يا سبب خنتوا بيعته
خانت الهادي امته وتبعت الظالم وحكمه
هذا يوم التضحيه ويوم الكرامه
وتضحيتنه للنبوه وللامامه
وحبك البالگلب للطف جانبنه

نمد گبلک ییو الیمه ارگابنه
بالصمود وبالثبات وبالاراده

* * *

بالجهاد وبالتفادي انخوض ساحات المنايه
واحنه گبلک ییو الیمه نريد نتقدم ضحايه
بالصدور او بالمناحر نكشف سهام الرمايه
وحسين ينظر صحبته متفازعين النخوته
لن ظهر من بين اخوته گمر وابچفه الرايه
صاح يالانصار يخوته الغياره
احنه خل ندخل گبلکم للمعاره
صعبه هاي اصواتکم يصحابنه
نمد گبلک ییو الیمه ارگابنه
بالصمود وبالثبات وبالاراده

* * *

لن ابن ظاهر تعنه گبال أبو فاضل وناده
احنه ما نرضه الهواشم يسبقونه اعله الشهاده
تالي هاي الناس تحجي للحرب قدموا الساده
شنجابوب البيدي العتب من تعتب علينه العرب
احنه النطب يهل الرتب وندخل الحومه باراده
لن گمر هاشم لبن ظاهر يگله
كل حمل لو طاح تتعناله اهله
ولو نشدنه حسين هذا جوابنه
نمد گبلک ییو الیمه ارگابنه
بالصمود وبالثبات وبالاراده

* * *

للحرب ناده حبيب وظهر للعباس حرصه
جاوبه العباس ارشد واخذ من حسين رخصه
وراح للمظلوم مسرع گصده ميضيع الفرصه

صاح وابو اليمه صغه ارخصنه نبرز للوغه
وابجفه يرقل بيرغه ولحييب حسين وصه
گله اطلع للحرايب بين ظاهر
بيهم اخطب بلچن اتحس الضماير
جاوبه الصوّب مهجتك صابنه
نمد گبلک ييو اليمه ارگابنه
بالصمود وبالثبات وبالاراده

* * *

برزوا انصار ابو اليمه بكر بلا وظهروا همهم
ضحوا لاجل العقيده والغسل من فيض دمهم
وراح أبو السجاد مسرع للمعاره ووكف يمهم
ناده يأخوان الصفه حياكم
ناصرتوا دين المصطفه بدماكم
بصوت الابه وصوت الوفه النخاکم
اشلون حالة أبو اليمه من وكف وسط المعاره
دموعه من العين تجري وينظر لحالة انصاره
يشوف بس اجساد يمه وعالترب دمها ايتجاره
شافه الصحابه اعله الثره مصيوبه
بالطف جثتها اموذره ومسلوبه
ابدم الكرامه امعفره ومخضوبه
هاذي حالة أبو اليمه من وكف يم الصحابه

* * *

طهران / ۱۹۸۲ م

الوداع مع الحسين (عليه السلام)

زينب والحسين والهاشميين
ابحال الوداع اتصوبن هاليله گلبن
زينب والحسين

* * *

ابعين يتفايض دمعها شاهدت حاله عجبیه
حسين بخيام النبوه اودع العيله الغریه
والعقیله ابگلبن صامد وگفت ابوجه المصیبه
صار الموداع بالخیم ما بین ولیان وحریم
واتوجرت نار الالم وحلت اللیله الرهیبه
واتغیر الحال بوداع العیال
وبهالوداع الی سدر مفجوعه روحین
زينب والحسين

* * *

وگفت ام الحزن زينب یم أبو الیمه وتحشمه
نوبه من نحره تقبله ونوبه من صدره تشمه
والبدور الهاشمیة كشفت اللیله المظلمه
واکتمل من هاشم بدر ابمطلع جماله مزدهر
بالرایه مصیون الخدر حی گمر هاشم وعزمه
ابجوهر المکنون هالخدر مصیون
وابنور وجهه اتواصلن هاليله نورین
زينب والحسين

* * *

گمر هاشم للعقیله سجل عهود الکفاله
هوه یتکفل الحومه وهیه تتکفل عیاله
رایته ایمناه زمها وهزها بجفوف البسالة
لیث وفرع من حیدره صاحب جداره ومقدره

البيرغ ابجفه ناشره وركزه ابارض العداله

مصدر الايمان من گمر عدنان

يتخطه بحدود الخيم واتصله عينين

زينب والحسين

* * *

اخذت الحره عهدا من الكفلها گمر هاشم

التفتت وشاهدت رمله اتودع العريس جاسم

شاب واطلع شبابه ودائره بيه الهواشم

گلب امه رمله منبجح ابعرسه صدرها منشرح

ما تدري بالطف يندبح والشمع بيض الصوارم

شوف الدهر شوف بالغدر موصوف

هالعرس يصبح فاجعه وايصوب اثنين

زينب والحسين

* * *

ودعت رمله ولدها والجمر بالجبد يسعر

حالة التوديع صعبه والصخر منها ايتفطر

وثالث اموادع الوالم بين ليله وعلي الأكبر

ابلهفه وحنان وعاطفه اتودع شبيهه المصطفه

هالوضع من انوصفه انشوفه اصعب حال واخطر

يا ليل الوداع بيبك الامل ضاع

وهلال الاكبر لو سفر تنصاب چبدين

زينب والحسين

* * *

زينب اتشوف الفواطم كلمن اتودع املها

ضنت التوديع تم وبگت تتفگد املها

لنها تنظر للرباب المعوله اتودع طفلها

اتشم الطفل واتكلمه باچر تذوب من الضمه

والسهم يرويك ابدمه وامك اتصافح اجلها

وابجمره النوح تتلاهب الروح
ومن ينگطع نحر الطفل تنگطع نحرین
زینب والحسین

* * *

طهران / ۱۹۸۵ م

استنهاض الإمام علي (عليه السلام)

وين يا داحي الباب يا علي وينك
وحدي بديار الغرب
لا اهل لا أصحاب يا علي وينك

* * *

يا علي انفض ييويه وشوف هالعيله الغريبه
من عكب ولياها ظلت تشكف سهام المصبيه
وصدت لوائي السلام وصاحت ابصيححه عجبيه
گوم يا ريف اليتامه گوم يا ليث الكتبيه
وينك يحماي الحمه غابت ليوث الموزمه
وظلت ودائع فاطمه ايمحنة الليله الرهييه
بس حرم يا كرار غاب واليهها
طاحت ارباب الشيم
واحنه بين الاجناب يا علي وينك

* * *

يا علي انفض واسمع صوت ام الحزن زينب
صاحت أرد احسب مصايب من جرح گلي المصوّب
ابكريله أول مصيبه البيهها نار الجبد تلهب
من شفت طيحت الأكبر عالثره وجسمه تسلّب
من طاح الاكبر عالثره والگوم كطعوا منحره
وليله الولدها تنظره من دمه المنحر تخضب
يا شببيه المختار نادثه ليله
لا تخليني ابغرب

گوم واسمع العتاب يا علي وينك

* * *

يا علي انفض ييويه وانظر لحال الفواطم

جايه الدنيه عليها وطاحت ابولية الظالم
حرگوا خيام النبوه وطفوا شمعة عرس جاسم
بويه وابدل الشموع انرفعت رماح وصوارم
ورمله الولدها شافته من دمه عجنوا حنته
يبي يجاسم نادته ليش عالتربان نايم
عالحرب والميدان زفته صارت
رمله صاحت بالحزن
ابكريله افگدنه شاب يا علي وينك

* * *

يا علي وافجع مصيبه الذوبت گلي ابونينه
من شفت عين الطليعه گطعوا ايساره ويمينه
بالعمود انصاب راسه والسهم صوبه ابينه
ولون ما طيحت كفيلي الكوم ما جاروا عليه
عالنهر من طاح العلم هجمت الكوم اعله الحرم
وبالگلب نيران الخيم شبت ابطيحت ولينه
عگب عين العباس حرگوا خيامي
وصاحت گلوب الحرم
گوم واطفي الاطناب يا علي وينك

* * *

يا علي وافجع مصيبه الزيدت بالگلب هي
من رجع مهر أبو اليمه يصهل ودمعاه تهمي
والسرج مگلوب منه او وجهه متخضب ومدمي
ايحشم وما اظن يدري بس يتامه وحرم يمي
ناديته بدموع الالم ليش ارجعت صوب الخيم
وين اتركت والي الحرم گال عالتربان مرمي
وين يا مهر حسين وين خيالك
گال عفته اعله الترب
هذا حال الاطياب يا علي وينك

* * *

الليله يا ابا الحسن ليله ما مثلها اتصير ليله
هموم وآلام ومصايب والدمع فجر مسيله
گوم شوف اعله اليتامه العسر اتوجه ابخيله
العيله من تفگد وليها اشتظن هم يحصل بديله
يا بويه هاذي حالتي محد يلبي نخوتي
تحرسني چانت اخوتي تالي صرت احرس العيله
لا خيم لا وليان ابغريه ظلينه
انشد ابصوت الحزن
وانتظر رد جواب يا علي وينك

* * *

بويه هاي الليله آخر ليله برض الغاضريه
باچر ظعون الفواطم تمشي للكوفه سبيه
اشلون راح امشي واخلي جسم ولياني رميه
اشلون عگب اهل الشهامه بالظعن تحدي اميه
وينك ببويه يا علي
لا خيمه عندي ولا ولي
يا هو يعدل محملي
ترضه يا ابا الحسن ترضه لليسر تطلع بناتك

* * *

طهران / ١٩٨٦ م

ام البنين (عليها السلام)

صوب عيوني الدهر وضيعت رايه وگمر
گطع دلالي زماني وافگدت اربع بنين
لا تلوموني تراني امصوبه وگلي حزين
صوب عيوني الدهر

* * *

اربع ابدور اذخرتهم مشوا لرض الغاضريه
والله لو رجعوا زرعت الطرق ياس وnergسيه
روحة الاولاد روحه روحه ما ظن بيها جيه
راحوا وحادي الموت راح وياهم
وجف المنيه ابكريله يتناهم
اشلون اربعه وهرش الكلب غذاهم
من رجع ظعن الاهل دمعي عالوجنه همل
جيت وابلهفة دليلي صحت وين اولادي وين
لا تلوموني تراني امصوبه وگلي حزين
صوب عيوني الدهر

* * *

هامت وعالمتن شالت طفل حمائي الظعينه
واسمعت (بشر ابن حذلم) ينعي بطراف المدينه
نادته يا بشر بالله اخبرني ابني حسين وينه
ناده بشر والدمع منه اتفجر
عظم الله الأجر بينچ جعفر
وعثمان ابنچ بالطفوف اتوذر
واخذي من عندي الخير چبد عبد الله انفطر
يا بشر گطعت گلي اخبرني عن حالة حسين
لا تلوموني تراني امصوبه وگلي حزين

صوب عيوني الدهر

* * *

عظم المعبود اجرچ واصبري بهاي الفجيعة
ابكر بلا بدر الهواشم طايح ابكتر الشريعة
بالعمود انفضخ راسه وظلت چفوفه كطيعه
عظم الله الأجر بينچ عباس
يم النهر عافوه جثه بلا راس
وعياله تاهت بين اشرار الناس
يا بشر حيلي انهدم ما يهم راعي العلم
يا بشر عن أبو اليمه اخبرني خل اخفي الونين
لا تلوموني تراني امصوبه وكلي حزين
صوب عيوني الدهر

* * *

من بشر كلي تنظر خبر عن حال أبو اليمه
دمعتي فاضت ابعيني والكلب ذائب إيمه
لن بشر ناده يحره دنيتچ صارت مظلمه
عظم الله اجرچ ابفكد المظلوم
وذرت جسمه ابكريله سيوف الكوم
مصرعه ابعين الحرم اصبح مرسوم
اخذي من عندي الخبر حسين مگطوع النحر
يا بشر هدمت حيلي وانطففت شمة العين
لا تلوموني تراني امصوبه وكلي حزين
صوب عيوني الدهر

* * *

خابت آمال البكلي وانقطع يا بشر ضني
انهدم بنياني عليه والمصايب صوبني
دموعي ليل نهار تجري ومثل ون الدوح وني
گوس الحزن نفذ ابكلي صوابه

والدهر صفه ويايه كل حسابه
وحسين ابني ايعز عليه غيايه
ما تهمني الفاجعه ابفگد ولدي الاربعه
ابفگد أبو السجاد ضايع تعب كل ذيچ السنين
لا تلوموني تراني امصوبه وگلي حزين
صوب عيوني الدهر

* * *

اربع شموع اعلگتها وچانت اتنوري دري
راحوا وما صوبوني لاچن اللي صاب گلي
فگد أبو اليمه وعگبه خل اشن غارات عتي
اعتب وادري ما يفيد عتاي
ذبل هروش الگلب جمر صوابي
ما تنحمد للحشر نار مصابي
امر هذا وانكتب بعد شيفيد العتب
طاحت بيوت المعالي وغابت ليوث العرين
لا تلوموني تراني امصوبه وگلي حزين
صوب عيوني الدهر

* * *

راحوا اولادي وبنيني ودهري غفرهم ابدمهم
بالله يا جاره اخبرچ لا تسميني باسمهم
جل أبو اليمه اذخرتهم بالعهد وفوا ذممهم
راحوا بنيني الاربعه
وصوبني سهم الفاجعه
وهروش گلي امگطعه

* * *

روي يا روحي الحزينه روحي لرض الغاضريه
روحي يم جسم أبو اليمه الطايح ابين آل اميه
وروحي يم شاطي الفرات وعاتي العلگلمي وميه

واحي الظهر يم النهر
وخلي الكلب يم الكمر
مصيوبه بسهام الكدر
لا تلوموني تراني افكدت ولدي الاربعه
* * *

مشهد المقدسة / ١٩٨٥ م

من قصائد الغفران (الهجري)

لو خفك جنح المنيه وصافحك جف الاجل
ما ينفعك بين آدم بالحشر غير العمل

* * *

أرد انشدك بين آدم لون غربت ساعتك
اشتظن بالمحتوم يرجع لون حل ابساحتك
ولو طفح بحر المنايه والمنايه وافتك
اشلون ترجع للحياة بيا وسيله ويا امل

* * *

اتصور امنازع الروح من البدن لمن تغيب
اتمر عليك اشلون حاله الطفل من عدها يشيب
اتشوف نفسك ما ينفعك لا بعيد ولا قريب
ولا وساطه هناك تنفع لا صحابه ولا اهل

* * *

من تمر سكرة الموت اعليك وايحل الحتم
بيدي سيف الموت يفصل بين روحك والجسم
عزمك ابمطالع روحك لو جبل هم ينهدم
يا بشر يحمل مرار الموت يا طود وجبل

* * *

وبعد حاله اتمر عليك وانه بجور الممات
إتگوم تتمنه رجوعك ولو ساعة بالحياة
تگول بلچن خير اعمل أضمن هناك النجاة
وانته تدري هالتمني ما يفيد ابماحل

* * *

تنحمل فوگ الأعواد وينگطع جبل المضن
من العمر آيس وتبگه تحوم روحك عالبدن

نازع ثياب الممات ولابس ثياب الجفن
كأصد لبيت التراب وطالع من المغتسل

* * *

روحك اعله النعش تبكّه اترفرف وتنظر الحال
لجن ما تمتلك قدره اوبه اليشيعوك اتصال
ايصير للدنيه رجوعك امر اعجاز ومحال
حيث لن حبل اتصالك عن الأصحاب انفصل

* * *

للدفن تسرع احبابك يا تره ابغير انتظار
تروح من دار الحياة الفانيه لدار القرار
انته مو اول المحنط فارگ اهله والديار
لا ولا اول فقيد ابسكرة الموت انذهل

* * *

عكب ما بالدنيه چنت ابيت عالي ومعتمر
بين الكبور الكتيبه تالي بيتك ينحفر
ومن عكب رفعة المسكن تسكن أبو حشة كبر
وجسمك من العامرات العالم الحفره انتقل

* * *

عالم البرزخ ضجيعك باللحد يستقبلك
اتشوف بي احوال كثره اتأيسك واتأملك
لو ردت تتغابه عن الامر منكر يسألك
چم وچم انسان گبلک فوگ الاعواد انحمل

* * *

منكر اينشذك يگلک ما چنت حي وتشوف
ما شفت انسان گبلک فوگ ألواح الختوف
ليش ما تاخذ مواعظ من موازين الصروف
ونائج الانسان يهلك من يصبر اعله الجهل

* * *

يا الاهي ابدمع عيني أرفع ايدي للسمه
إغفر ذنوب العليّه ابجاه دمه فاطمه
واغفر لأمي اللذي رضعني حب حامي الحمه
ماتت ابديرة الغربه من النوايب والعلل

* * *

عليك يا رب البريه بالحشر متوكلين
اشلون يوم البيه ما تنفع اموال ولا بنين
أمل ما عدنه يرب الكون بس خدمة حسين
واللي يخدم أبو اليمه حاشه ينصاب ابفشل

* * *

الدنيه تگضي يا الاهي وهاي دنيه فانيه
لاچن اشیگضي القيامه من تشب الحاميه
كلها بالخسران بس فرقة حسين الناجيه
اجعلنه منهم يا الاهي وعبدك عليك اتكل

* * *

حب أبو السجاد بالحشر أمان من العذاب
حاشه لن نار القيامه اتمس گلب بالحزن ذاب
وحاشه تحرگ جسد زایر گبر ابن داحي الباب
وحاشه تلمس عين منها الدمع عالوجنه همل

* * *

طهران / ۱۹۸۷ م

في قصائد اللطم

نافع بن هلال (بحر الطويل)

هذا نافع بن هلال طب لحومته اجممه
شاب ولجل أبو السجاد ضحّه اجمهجه ودمه

* * *

من دارت رحه الحومه وصارت تبرز الابطال
ارتجز وبصوته گام ايصيح أنه نافع ابن هلال
يوم الهمم هذا اليوم والحومه تريد رجال
العزم من گوسه يتناثر

ويرمي النبل عالعسكر يحامي دون ابن حيدر
يمطر حجر من سجيل گوسه وما یرد سهمه

* * *

عگب ما للنبل کثر رميها ونفذت العدّه
سل سيفه اييمينه ايريد ييدل بالحرب جهده
من خلفه الشمر صابه اييمينه وانكسر عضده
من خلفه الشمر يا حيف
صابه او وگع منه السيف وظل يتلوّه صل الصيف
كسر الساعد اثر بيه وصوابات البجسمه

* * *

لمن وگع نافع صار ونّه بأثر ونّه ايجر
بالنوجه وگع يا حيف وسط الشبج طاح الحر
مچتوف ويسير اخذوه وعيونہ جمر تنثر
عگب ما جندل الفرسان

طاح المخططه الميدان نافع هذا عهده چان
لو ميت الف موته ايموت يرضه دون أبو اليمه

* * *

لون ما ينكسر عضده مچان اتيسر الجيدوم

لاچن حکمة الباري اقتضت واتفذ المحتوم
لبن سعد الرجس ودّوا نافع والکلب مالوم
ولمن شاهده ابھالحال

ناداه الزنیم وگال نیتک شنهی بین هلال
تجیب التهلکة لنفسک وتدفع دونها النقمه

* * *

نافع جاوبه وناداه الله یعلم ابگصدي
اثنّش فارس خذت منکم ابرمحي وصارمي وجهدي
وچان ابگیت احاربکم لون ما ینکسر عضدي
لچن هذا الامر مكتوب

* * *

اگطع للمنايه دروب والموت ابشرف مطلوب
هیهات اخضع وهیات منکم اطلب الرحمة

* * *

ابن سعد الرجس صاغي وظل یستمع لبن هلال
ونافع کشف ما عنده والرايد یگوله گال
لن شمر الحنه ايناديہ يا نافع لسانک طال
هاذ آنه الشمر یمّک

اجیت اگصد هدر دمک وامحي من الارض اسمک
والمثلک عنید اشلون ییگه اعله الارض اسمه

* * *

ونافع جاوبه وناداه الموت اعله الکرامه ایهون
وباچر بالحشر ویاک اوگف عد إله الکون
لو مسلم چنت ما چان تطلب چتلي يا ملعون
وسل الشمر سیف الجور

لن نافع صبح منحور ودمه اعله الأرض مهدور
والیملک هدف وایمان گطع النحر میهمه

* * *

طهران / ۱۹۸۶ م

صبر الخوراء زينب (عليها السلام) (بحر الطويل)

زينب بالمعاره اتصيح ما ظل من ولي عندي
غريبهودمعة عيوني تسيل وتحفر ابخدي

* * *

وگفت على التل اتصيح بين امي الكلب مالوم
روحي اتحوم يا مظلوم ودموعي تسيل دموم
هاي الكوم اجتنه الكوم ما واحد يرد الكوم
يسبع الخيل رد الخيل هالخيل اوصلت حدي

* * *

الخيل اوصلت لخيامك وگلي يا شهم ناداك
اجيت انخاك واترجاك لتخليني بين عداك
الموت الموت اريد الموت ولا احمل هظم فرگاك
الدنيه وكربله والگوم هاليوم اصبحوا ضدي

* * *

ضدي صاروا ويا ريت خذوا عمري گبل عمرک
وريت اللي سحگ صدرک سحگ صدري گبل صدرک
وريت اللي گطع نحرک گطع نحري گبل نحرک
وسهم الصابک ابچبدک يريته صابني ابچبدي

* * *

يريته صابني ابچبدي سهم الصوبک يحسين
وين انتہ يبعد اهلي دليني اعله جسمک وين
سهم البين صاب العين ولا اندل طريجي منين
شوفي راح حيلي طاح وجروح الكلب تدي

* * *

تدي جروح دلالي ابفگدک فاجده الغالي
انسلب خدري وخلص صبري واظن تدري اشجره ابخالي

اخوتي اعله الترب صرعه ولا والي اعلى اعيالي
وعيكالك واطفالك تنوح وتنحب ابسدي

* * *

تنوح وتنحب عيكالك ودمعي سال عالاطفال
الحرم هاي الحرم صعبه الحرم من تبگه بين انزال
لا وليان لا صيوان حالي حال اصعب حال
ما بين السلب والنار ادافع وابذل ابجهدي

* * *

ابذلت جهدي اجر طفله اضيع طفله بين اشرار
فكري احتار مدري شصار صحت وين ابن حامي الجار
هاي النار وسط الدار گوم اخمد لهيب النار
الدار انبار حرگوها واجتنه خيولهم تعدي

* * *

العسكر غارت وزينب اجت تشكي مصايها
تصيح ابصوت هاي اختك تخاطب گوم خاطبها
اشما صاحت اشما ناحت بس الصده ايجاوبها
يگلها راح أبو السجاد ردي للحرم ردي

* * *

عگب ما ايست منه اعتنت للگطعوا چفوفه
صاحت صوت يا عباس هاي الحرم مجتوفه
ترضه شيمتک ترضه تروح ايسر للوفه
انچان استصعبت شکوای ارواح واشکي يم جدي

* * *

طهران / ۱۹۸۶ م

الزهاء (عليها السلام) بعد الرسول (صلى الله عليه وآله)

يا كلب تصبر چم دوب لو صخر هم چان يذوب
من هالحن والالام لو صخر هم چان يذوب

* * *

يا كلب آنه ام الحسن واشكي هموم
داهمني فكد المصطفه بهذا اليوم
وعليك اريد اعتب يگلبي المالوم
چم دوب تصبر ما نفع بيك اللوم
عن كثر صبرك شنگول لو جبل هم چان يزول
ومن كثر جور الايام لو صخر هم چان يذوب

* * *

يا كلب اعلم بيك دامى ومجروح
يا سبب ما تترك الوادم وتروح
اسكن البيده وانجب هناك ونوح
واشلون عايش وافته ما تملك روح
چم لوعه بيك وچم نار عكب الرسول المختار
صوبك دهرک بسهام لو صخر هم چان يذوب

* * *

يا كلب بعدك صابر وما مهتم
لو حجر چان انفطر من كثر الهم
ولو چان صبرك طود چان اتهدم
يا عجب وافته ما نشف بيك الدم
يا كلب منك مليت ما چنت اعرفك يا ريت
لفراگ سيد الاكرام لو صخر هم چان يذوب

* * *

يا كلب خانت بيك سود ايامك

وفگد النبي خيب اليوم احلامك
راح اليخفف همك وآلامك
بيمن بعد تكدر تصد سهامك
راح اليشد عزمك راح والدمع ما تدري شصاح
اليحمل مرار الظلام لو صخر هم چان يذوب
* * *

گبالي شفت مطروح نعش المختار
ومن شفته اهجس شبت بروحي النار
وابغيته من عيني غابت الانظار
وانفنت روعي وطاح عامود الدار
من عكب نور الاكوان حرگتني نار الاحزان
صابر شهور واعوام لو صخر هم چان يذوب
* * *

نار المصايب گريت ميعادي
وصوبني سهم الدهر عكب الهادي
صوت المصايب بسمي صار ينادي
عالصبر والههم واضح استعدادي
مصاب النبي اشلون مصاب والبدر عن عيني غاب
ومن الحزن گلي هام لو صخر هم چان يذوب
* * *

طهران / ١٩٨٥ م

الانصار طلاب الغامة

بالخومه بالخومه للدين نفدي العمر
وتنادي هالانصار يا كعبة الاحرار
للدين نفدي العمر

* * *

صفوا انصار حسين واشلون انصار
صاحوا فرد صيحه بين حامي الجار
ارخصنه للميدان والموعد صار
ما نقبل اعله الذله واحنه الاحرار
انصارك انصارك يحسين الكم ذخر
موعد نصرنه حان خل ندخل الميدان
للدين نفدي العمر

* * *

امنحه رخصه وللعواسل نرفع
وانضحى من اجلك يشبل الانزع
كبل اهل بيتك للحرب خل نطلع
وانريد نتجفن ابذاري المصرع
ناداها ناداها يا صفوه شنهو الامر
ما اقبل اتضحون احنه النطب للكون
للدين نفدي العمر

* * *

ضهضب حبيب الرايه واشتد عزمه
وناده زهير اشلون يا ابو اليمه
انتوا الذي تبدون اول هجمه
هاذي على الأنصار كلفه وزحمه
مرفوعه مرفوعه بالخومه بيض وسمير

وگفت جیوش یزید یحسین واحنه نرید
للدين نفدي العمر

* * *

لن گمر هاشم لفه وبيده الرايه
صاح آنه اتقدم وانتوا ويايه
گالوله انتہ التبدي؟ هاي حچايه
انتہ العليک اليوم حرس الثايه
مجموعه مجموعہ بالحومه گوم الکفر
احرس خيام حسين واحنه الذي ماشين
للدين نفدي العمر

* * *

وارتفع من گلوبهم هذا الصوت
صاحوا الدنيه فرصه وانخاف اتفوت
ميموت ليضحى ابوجوده ميموت
خالد يظل اشما جزه حدود الفوت
نفديها نفديها للنفس بين الطهر
متهمنه هاي الگوم خلينه يا مظلوم
للدين نفدي العمر

* * *

هجموا فرد هجمه اعله گوم الطاغين
شالوا الحومه وفرحوا گلب حسين
طاحوا على التربان منهم خمسين
اشتركوا بالتضحيه اثنين وسبعين
ظل وحده ظل وحده ما بين اهل الغدر
وصاحت بني عدنان متهمنه هالعدوان
للدين نفدي العمر

* * *

ابساحة الطف من گضت كل الصفوه

واتوسدت الانصار يم الاخوه
وحسين يمهم وكف ييدي النخوه
يهل الشهامه الحيل بيكم يگوه
ضحيتوا ضحيتوا وبالكلب ما تم صبر
واضطربت الاجساد صاحت ييو السجاد
للدين نفدي العمر

* * *

والگوم من شافوا عجيد الميدان
ظل منفرد لا ناصر ولا عوان
هجموا عليه ابنبل وسيوف وزان
ومن بعد چتله اسعرت نار الصيوان
وعياله وعياله راحت ابدرب اليسر
والحرم والايتام صاحت ابدرب الشام
للدين نفدي العمر

* * *

طهران / ١٩٨٦ م

عبد الله الرضيع

يبي عبد الله شاهده لحالي
بيا ذنب مذبوح والمهد خالي

* * *

عبد الله يبي گوم واسمع عتي
مظلمه الدينه وما اوچد دري
من شفت مهدك خالي صوب گلي
ظهري انخه وعيني اعله مهدك تري
گلي صاح بصوت فاجده الغالي
بيا ذنب مذبوح والمهد خالي

* * *

ابليل المصبيه امدوهنه وسهرانه
والگلب ما يخدم جمر نيرانه
ضنيت ترجع للمدينه ويانه
ما ادري ابگه ابكريله حيرانه
يبي يا مصيوب خابت آمالي
بيا ذنب مذبوح والمهد خالي

* * *

يا غصن عمري ويا ربيع المهموم
ويا طير سعدي البلاءمل چان يحوم
چاوبني ليش امغسل ابيض دموم
ومن گبل ميعاد الفطامه مفطوم
مهجتي اتناغيك والدمع هالي
بيا ذنب مذبوح والمهد خالي

* * *

يا شغف گلي ويا ملاحه عمري

ويا نسمة الريح اللي تشرح صدري
تنذبح يا عبد الله ما جنت ادري
من قبل نحرك ريت كطعوا نحري
ولا اشوف اليوم جسمك كبالي
بيا ذنب مذبوح والمهد خالي

* * *

يا دمة المحبوسة بعيون امك
وسدت كلبى اعلى التراب يمك
والروح صارت مهد بيني لجسمك
جبدي يهزك والدليل ايشمك
يا امل روحي وثمر دلالي
بيا ذنب مذبوح والمهد خالي

* * *

آنه الرباب وعالمهد محنيه
ونار الحزن تنطفي وتسعر بيه
ومن شفت جثتك يا طفل مرميه
اهجس تهدم ركن بيتي عليه
بيني يا عامود بيتي العالي
بيا ذنب مذبوح والمهد خالي

* * *

يا كاسر الصيف اللذي ايفيلي
عگبك مرار الدهر هدم حيلي
متحيره وچف الأجل يوميلي
وما ميّز انهارى بعد من ليلي
ابغيبتك بيني غايب هلالى
بيا ذنب مذبوح والمهد خالي

* * *

الله، أي دم في كربلا سفكا

لم يجر في الأرض حتى اوقف الفلكا
الله يا دم بالطوف انسفك ما جره اله او وكف مجره الفلك

* * *

يا دم سفح نهره اعله سفح الثره وعطل مدار الفلك لمن جره
ويا خيل هجمت عالحيم غايه ويا خدر من آل الرسول انتهك

* * *

عقّة الخدر للخدر عوضت وعالعهد ربّات الخدر حافظت
ابحامية دين الله الحميه انهضت من شافت الإسلام نهجه انتك

* * *

انفجرت الامه وصفت مضرب مثل والجاهليه رجعت اعله الجهل
تسجد وتركع لعد عزه وهبل ويحكمها ظالم بالرديله انهك

* * *

اشلون الرجال اهم عيون اتغمض ويزيد يحكمهم ابهتك العرض
وانجان للتوحيد كاله ابلفظ سيفه ابسوى التوحيد ابد ما فتك

* * *

ودين النبي سهام العلل صابته لغير أبو اليمه ما شكه حالته
شايف عليل وما برت علته اله إذا شاف المداوي هلك

* * *

حسين المداوي وبذل بالطف جهد مرهم صبح للدين دمه وضمد
قدّم الغالي وضحه للمعتقد ابنفسه واصحابه واخوته وما ملك

* * *

كبل الشهاده الحال نتصوره ادعه الملازم والزم حايه
شب ابذبال السيف هالنايره واللي وردها ورد اسفل درك

* * *

من بدت صولة شبل فارس بدر ابعين العده ابدت نجوم الظهر
عالجيش ظل يحوم شبه الصكر ما تلم عزمه لا شبج لا شرك

* * *

اشما يرفع للگوم سيف ونصل ابوجهه الطلاقه تكثر ويتهل
موقف أبو السجاد بالطف مثل موقف الزهره بيوم غصب الفدك

* * *

اترجل وحيد گبال جيش العده ابوحدته الوجدانيه متجسده
جوهر العصمه گبال فحم الرده يا وسفه ينجمعون بالمعترك

* * *

ابفن الفروسيه حليف الضمه ما شبهه فارس حصل بالملحمه
وتشهد ابمحرابه نجوم السمه ما عبد مثله عابد ولا نساك

* * *

ابگطب الرمح دارت رحه المعركه وطاحت الكوفه وجيشها ابتهلكه
عيون النهار ابصارمه حالكه وابنور وجهه انزال ذاك الحلك

* * *

وجه ابظلام الحرب شمس الضحه ودارت عليه الجيش دور الرحه
ابكل بيت بالكوفه ترك نايحه لاجن ثلث تيام جسمه انترك

* * *

طهران / ۱۹۸۵ م

بطلة كربلاء

يا هلي اتغير الحال من توسدتوا الرمال
حيرت فكري المصيبة هذا واقع لو خيال
من توسدتوا الرمال

* * *

سجدت اجسوم الضحاياه ابكربلا وحل المصاب
ومثل اصاويب الهواشم كلب بت حيدر انصاب
واعتللت صرخة عواطف لا ملامه ولا عتاب
يا هلي عن الثنيه اشلون تم الانفصال
من توسدتوا الرمال

* * *

يا هلي بين الخيال وبين واقع انظره
روسكم فوگ السماهر والجسوم اعله الشره
وانظر خيام النبوه ابناز اميه اموجره
عالحيم شنوا الغاره ابكقطع حبل الاتصال
من توسدتوا الرمال

* * *

انعرضت ابالواح فكري هالمصايب والحن
وصور لجسوم الضحايا كبال عيني اتوضحن
هذا واقع مو خيال وصدري بالهم انشحن
هالرزايه الواقعيه انرسمت ابعين الاطفال
من توسدتوا الرمال

* * *

يا هلي ابعث حنان ودمع لجواف النحور
وارد اخبركم يهاشم بالحرم حل الثبور
لا كفيل ولا خيام ولا حماة ولا خدور

وعيلتي الجانت عزيزه فكدت العز والدلال

من توسدتوا الرمال

* * *

ليش يرباب الكرامه اموسدين اعله الترب
گوموا واتوسدوا ابگلي اعله الثره افرشت الگلب

لا تضنوني غريبه أنه ميهمني الغرب

ذبيچ انه زينب الكبره الكالت اتكفل عيال

من توسدتوا الرمال

* * *

يا هلي زينب تراني وما يغيرني الزمان
الگوم ضنتني عگبكم ارضه بالذل والهوان
اقسم ابراس أبو اليمه المرتفع فوگ السنان
لون ما سهم المثلث ما يسلبونه الانزال

من توسدتوا الرمال

* * *

يا هلي لو شفتوا جفني دموعه تتفايض دمه
هاذي حاله استارثتها من رزية فاطمه
وشوفت ظلوع أبو اليمه البالخيل امهشمه
اتذكرت ظلع البتول وهالظلع رايد سؤال

من توسدتوا الرمال

* * *

يا هلي لو ردت أناشد حرت ما ادري شأگول
يا ظلع بالغازيه جالت اعليه الخيول
ظلع اخويه حسين بالطف مثل ظلع امي البتول
واحد ابدفعة الباب اوواحد انجيل الضلال

من توسدتوا الرمال

* * *

مسلم في الكوفة (موشح)

احلفت غالب ما ترد لديارها انجان ما تاخذ وتوفي ابثارها

* * *

اطلعت غالب واعزمت تگطع البر وتمشي ویه الوحش لو لاح السفر
اهتفوا مسلم عیب لو ثاره اندثر واحنه لسیوف الملاحم نارها

* * *

اتحوم عالحومه شبه حوم الگطه لو علیها الصکر بالظلمه سطره
لچن هاشم عالحرب متسلطه والمنایه ما تهاب اخطارها

* * *

صاحوا انه گلوب امضه من الصخر ورمح عزنه ثابت ابگلب الدهر
الثار ما یحتاجله عام وشهر الثار اهله تاخذه بنهارها

* * *

وعگب مسلم عیب نتسمه زلم انجان ما ناخذ المیدان ابعزم
الجسم عگب الروح شیفید الجسم ولا تفید العین عگب انظارها

* * *

عیون احنه ومسلم انظار العیون واهوه روح جسمونه انفارگه اشلون
الروح صعبه ویه الجسد یتفارگون ومسلم لروح الغلب اعمارها

* * *

بین ما یتباصرون اعله الأمر طلع من بین الزلم لیث ایهدر
صاح أنه العباس ولهاشم بدر وسیفی یینی للملاحم دارها

* * *

عگب مسلم عیب تاخذنه الدهور انجان ما ناخذ مهجها من الصدور
سیوف همته اتخطف شبه النسر وفوگ هامات الخضم اوکارها

* * *

بین ما یتخطه لن مبدر طلع صاح یا عم ارجع وعمّه رجع
أنه الأكبر صوتی للموت اندلع اشلون بالذله الحیاة اختارها

* * *

وابو اليمه شاخص عيونه ويشوف چفوف اخوته لزمت رگاب السيوف
الصبر صاح الصبر يرباب الحتوف الصبر اهوه للزلم معيارها

* * *

لچن يهلي الصبر عالذل ما يهون والمنون اليوم يا محله المنون
عگب مسلمنه فلا تغفه العيون الثار يهل الثار من فجّارها

* * *

حسين حشمهم وللموت اسرعوا واصلوا بالسير بالبر اگطعوا
بالعزم والزود والعز اگبعوا اشهروا سمر القنه وييض اشفارها

* * *

اوصلت غالب كريله وزمت لوه وهرش چبد الموت بيديها التوه
اطلعت ويه الزود للحومه سوه ورفعت ابروس السمر شنيارها

* * *

طهران / ١٩٨٦ م

مسير السبايا (موشح)

ظعونكم سارت بمر غزاياها اشلون عيس الفاجده حداياها

* * *

طوّح الجمال بجمال الهزل والنحاييف سيرهن ما يعتدل
ابغير حادي كوطرت هاي الابل ابغير حادي الابل تبگه تاياها

* * *

عگب عين الكمر تاهت هالظعون حرملة والشمر بظعونه ايجدون
من عگب حمّاياها تطلع اشلون اشلون تطلع من عگب حمّاياها

* * *

ما هگوتي سجوا بذاك الرحيل غير حرّات ومداليل وعليل
اطلعت لاجن يا تره أبو حشة الليل ابليل والحرّات فگدت راياها

* * *

ما اموطيات ابجدج ذيچ الجمال ولا مغطيات ابيزر روس الاطفال
اطلعت لاجن يا تراها باشد حال حال لجال الارض حنّاياها

* * *

اشلون حاله التحني ظهور الجبال وختل عيون الحرم تسهر ليال
وسفه هاشم غاييه عن العيال اعيال تعدي والحزن عدّاياها

* * *

وين عنها غابت ليوث الوغه وين عنها الجان يرفل بيرغه
صاحت ولا شهم للصيحه صغه ويلقي للعيله ويسچن داّياها

* * *

چالفواخت بگت ما بين الصگور والصگور من يولي عالصيده يجور
لو شبه ريم وتحومها النسور نسور تولي والشمر غواياها

* * *

گوموا للعيله يغالب يالاكرام من الشماته شاجفوا عنها السهام
عيالكم راحت من الكوفه للشام الشام آه الشام من غواياها

* * *

اضحت من الشام السهام اتحدف واضحت الایتام بالشام اترجف
حالة الخدر ابد ما تنوصف عیونها شبه الطيور الشایها

* * *

اوگفت بالمجلس بیا حال اوگفت حاله عیت کل وصف متوصفت
لچن عدکم حره بالزود اهتفت هذا گلبی للحرم قیایها

* * *

عالعقیله اشما علیها ادته ادّت المطلوب منها وزادته
وظعن اخوها لکبر اخوها رده حيث چفها للشیم عطایها

* * *

نادته والدمع من عدها انسجم جیتک وبالکلب جمرات الالم
من الشماته انصاب گلبی چم سهم وسهم چبدک چبدتی فزایها

* * *

مشهد المقدسة / ۱۹۸۶ م

إبراهيم بن مالك الأشتر (موشح)

مالك الاشتر مثال المعتقد وعلى الوالد يطلع ابسره الولد

* * *

مالك الاشتر همه حدود الشرع والورع لو خلف يخلف ورع
واصبح ابراهيم من مالك فرع وانوصف هالشبل من ذاك الاسد

* * *

هاي چلمة فخر ناداها علي هموم گلبي بأبن الاشتر تنجلي
سند مالك چان بالدنيه الي مثل ما چنت أنه للهادي سند

* * *

بعد ام الفخر ما تولد فخر مثل مالك لا ولا ام الظفر
ركن بيت المجد بايمانه اعتمر وابنواظر شيمته البيت انرصده

* * *

مالك الاشتر بايمانه انوصف وضنوته ابراهيم عنه ما اختلف
بالشهامه وفن الحروب اعرف چان ويه الحق مثل روح ابجسد

* * *

چان مالك طود يحرس حيدرته وابنه للمعتقد مثله ناصرته
من سمع جثة حسين اعله الثره صاح يا للثار وابزوده استعد

* * *

سمع جسم حسين دامني اعله الصعيد ابعزمه ناده يا لثارات الشهيد
يريد اخذ الثار من زمرة يزيد هنزته انخوه وعلى الغوج ارتعد

* * *

جمع صفوه وساروا ابدررب الرشاد اعتنوا للكوفه على ظهور الجياد
ابليل دامس لچن بدر الاعتقاد بزغ الهم والظلام اصبح بدد

* * *

موقف ابراهيم نبراس الاباة اخذ ثار حسين من گوم الطغاة
ناول ابن زياد چاسات المماة وساند المختار عليه اعتمد

* * *

بثار أبو السجاد عزمه منفتن وانقذ المختار من ذاك السجن
وزال عن كلب الهواشم كل حزن وخله عين الخدر اتنام ابرغد

* * *

بكريل ابراهيم وسفه ما حظر چان شاف اشعملت افعال الدهر
انجمعت اعله حسين كل حرب وصخر جيش مثل الحصه ما الهم عدد

* * *

للجريمه وللغدر صفوا صفوف وجردوا بيض الضبه وسمم الختوف
غير السهام ايسماها ما تشوف وما سلم حتى الرضيع البلمهد

* * *

گوم ما تمثلك ذره من الشيم اشچان ذنب الطفل يرموه ايسهم
بيد ابوه حسين بالنبله انفطم ضامي لاجن من دمه المنحر ورد

* * *

وهجموا اعله حسين بسيوف ورماح وشجرت جسمه السماهر والصفاح
ابطيحتة عامود بيت الحرم طاح واشيظل بالبيت لو طاح العمده

* * *

وبعد لبراهيم ارد اشرح الحال من وگع جسم أبو اليمه اعله الرمال
اتوزمت ام الحزن بمر العيال اتفگدت لن طفل من عدها انفگد

* * *

فگدت الحره يتيمه من الايتام طلعت اتدورها بجناح الظلام
لن تشاهدها على جسم الامام حانيه ظلوع المصبيه عاجسد

* * *

گلبتها الحره بچفوف الامل لن تشوف الطفله ضيفها الاجل
گلب زينب چم وچم لوعه حمل لاجن اصبح درع لسهام لشدد

* * *

صورت هالحن ابراهيم ليك وائته بالثارات اديت العليك
نفذت كل التيسر بين اديك ابثار أبو السجاد وفيت العهد

* * *

طهران / ۱۹۸۵ م

دفن الحسين (عليه السلام) (البحر الطويل)

يا دفان جسم حسين راس حسين چا وينه
لو تندل مچانه وين گوم ويانه دلينه

* * *

يا دفان اريد اوصيك من تدفن أبو اليمه
ابهيده نرله ابگره ولم اوصال كل جسمه
يا دفان لتغسله تراهو امغسل ابدمه
وسّع باللحد المچان

ورش الماي عالتربان تراهو منديح عطشان
وگله زينب اتناديك بس الحرم ظلينه

* * *

يا دفان جسم حسين من اتنرله ابگره
ابهيده بالدفن وياه وخل ايدك حدر ظهره
تراهوا امهشمه ظلوعه والخيّل اسحگت صدره
وسعه للحد وسعه

ولا تلچم كسر ظلعه وسهم البالجبد طلعه
خوفي تلچم صوابه والياذيه ياذاينه

* * *

يا دفان اخذ گلي واحفر بالگلب لحده
وخل افرش اله چبدي وابوسط الجبد وسده
ولو ما ينگطع راسه افرش مهجتي لحده
لاچن يا وسف ذبحوه

وراسه من الجسد فصلوه ويراس الرمح شالوه
وما ندرې بعد لاوين رايد هالدهر بينه

* * *

يا دفان بالله عليك ريّض وخذ مني الروح
افرشها على الغبره وبها وسد المذبوح

ادفن جسمه عوف الراس راسه ويانه راح ايروح
صاحت والدمع مسجوب
راسه اتعّين بيا صوب ذاك اعله الرمح منصوب
اظن ويانه راح ايروح يحمينه ويبارينه
* * *

اتمّنه الي روحين وانطيهن لبو اليمه
وحده اتظلل اعله الراس وحده اتظلل لجسمه
لاچن ما بگت عندي ولا روح التظلم يمه
روحي ابفرگته غابت
ابسهم الناييه انصابت وعيني وبه الدمع ذابت
حاربني الدهر وسفه وعليّه جارت سنينه
* * *

يا دفان بعد اوصيك جسمه لمن اتواريه
ادفن طفله عبد الله يمه ابفد گبر خليه
تدري بالسهم مصيوب وصواب السهم ماذيه
عبد الله ابسهم مذبوح
وهاي امه الرباب تنوح ويانه يسيره تروح
وگله يا بعد بيتي تسلبنه يوالينه
* * *

يا دفان بالله عليك اريد وياه اتعّاب
واگله الخيم حرگوها وراحت باليسر زينب
ونيران الخيم لليوم ظلت بالگلب تلهب
واگله الحرم مصيوبه
والايتام مرعوبه وزينب مشّت مغصوبه
واگله يسروا رمله ورباب وليله وسكينه
* * *

زيد الشهيد (بحر الطويل)

تواريخ المجد كتبت عن زيد الشهيد اخبار
ثار وثورته اتصلت ابثورة كعبة الاحرار

* * *

ارويلك روايه وهاي مسنوده ودرسناها
الامين ابدورة (الاعيان) خطها واخذ فحواها
والمسعودي يرويها امروج الذهب،، تلگاها
شوف اهل الفكر شتگول
عن زيد ابدمع مهمول گالت نضهته متزول
وصارت كل مواقف زيد شعله فخر للثوار

* * *

زيد ابنهضته الحره صبح لهل الفخر نبراس
چان ايراقب الامه ابضميره وذاته والاحساس
يشوف الحاكم الظالم امسلط على رگاب الناس
وكتاب الله صبح مهجور
وهشام الظالم المغرور عالوادم يصب الجور
وزمام البشر اصبح بيد المجرم الغدار

* * *

من ذاته الشريفه زيد چان ايراقب الاوضاع
شاف الدين بين الناس اصبح ينشره وينباع
هتف يا للنصيب اشلون اسكت عالظلم وانصاع
ابدرايه وفاكره وحكمه

گصد للباقر ابهمه يخبره ابوضع هالامه
عگب ثوب الشرف والعز متقمصه ابثوب العار

* * *

يالباقر يخويه جيت اشرح مگصدي ومنواي
اريد انحض يروح الروح واعلن حرب ضد اعداي

ومن الكوفه بالباقر زلم عزمت تسير وياي
يخويه وبمك اتعنيت
گصدي استشيرك جيت وعالثوره اعزمت ونويت
شنهي فكرتك شتگول والكوفه صفوا انصار
* * *

الباقر جاوبه وناده يخويه اعرفت مضمونك
لا تعتمد عالکوفه تراهي اتخيبي ضنونك
مثل ما غدروا بجدك يبعد اهلي يغدرونك
انفض للوداع انفض
وجفني لا تضن يغمض فرگتك ييش تتعوض
عني لو رحت يا زيد احسب ركن حيلي انهار
* * *

اويه الباقر توادع زيد لاچن بالگلب جمره
اخذ صحبتته وخيل الموت صارت تحت بالمسره
تعنه للرصافه وراد بيها ايفجر الثوره
وگومه املوحه اعلاه الخيل
شدت للمنايه الخيل مسراها نهار وليل
والعنده هدف غالي يظل يمشيله ليل نهار
* * *

وصلوا للرصافه وزيد للمجلس تعنه النوب
شاف الطاغيه ابگصره خليفه وعالعرش منصوب
يصد واحد على الثاني ابنظرة غالب ومغلوب
هشام اصبح يخاطب زيد
اسمعنه للخلافه تريد منوالك صعب وبعيد
امك جاريه وميصير انته تحکم الامصار
* * *

لن زيد الشهم ناداه ناخذ مصحف التنزيل
ابكتاب الباري ما قاري عن ام النبي إسماعيل

چانت جاريه وهذا كتاب الباري بالتفصيل

هشام اتغيرت الوانه

وصاح ابصوت طغيانه خليفه اعله البشر آنه

والمايخضع لأمرى يخضع غصب للأشفار

* * *

طلع زيد الشهم غضبان من مجلس هاشم وراح

جهّز جيشه للثوره وبصوت الكرامه صاح

هيهات اركن اعله الضيم واخفض للمذله جناح

عالذل ما تنام العين

اريد افدي النفس للدين واطلب ثار جدي حسين

هذا اليوم يوم الثار حاشه لن يضيع الثار

* * *

من دارت رحه الحومه وتالاكن بالوغه الجيشين

جيش التزم نهج يزيد وجيش التزم نهج حسين

وردت كربله انعادت ورد يخفگ جناح البين

زيد ابهمته وزوده

وصل غايته ومگصوده بذل بالحرب مجهوده

وسافه لن سهم صابه ابجهته وشائت الاقدار

* * *

فصل عنهم سواد الليل وزيد اخذوه اصحابه

يجود ابروحه وايعالج من السهم الذي صابه

وجابوله الزلم حجام يضمّد جرحه وصوابه

گبل لا يفحص جروحه

فاضت للأجل روحه وخذوا جثته المطروحه

دفنوها حدر جدول گصدهم تحتفي الاثار

* * *

الحجّام اعتنه ابسرعه لهشام وبلغ اخباره

يگله يا هشام اليوم زيد اندفن واتواره

توسد حدر جدول ماي رادت تخفي آثاره
هشام آمرهم وطلعه
عاري اعله الجذع صلبوه من بعد الصلب حرگوه
واصبح اسمه بالتاريخ مصلوب وشهيد النار
* * *

طهران / ١٩٨٥ م

جابر الأنصاري

ردينه تدري بيا حال بس الحرم والاطفال
جابر يجابر هاليوم ردينه تدري بيا حال

* * *

آنه العليل وصوبتني الايام
يسرني للكوفه زماني وللشام
ويايه طلعت بس فواطم وايتام
واليوم اجيت وجبت روس الاكرام
شتنظر يجابر شتشوف شايف عليل ومجتوف
اصرخ وگلي مالوم ردينه تدري بيا حال

* * *

اسمع يجابر واخذ مني الاخبار
ارويلك اشما جره علينه اشما صار
عگب الاهل ظليت وحدي ومختار
لا اخوه عندي ولا عمام ولا دار
جسوم الاهل وذروها وحتى الخيم حرگوها
واليسر اصبح محتوم ردينه تدري بيا حال

* * *

اشما كثر صبري هموم گلي تكثر
والخله دلالي يجابر يسعر
بعيني شفت ليله الغريه بهالبر
تروح وترديم جسم ابنها الاكبر
من شفت الاكبر مذبوح بالجسم ما ظلت روح
وابفگده يسرونه الكوم ردينه تدري بيا حال

* * *

ريتك يجابر چنت حاضر يمي

چان اخمدت بالدمع جمرة همي
ابعيني شفت جاسم ذبيح ومدمي
ابليلة زفافه اعله الترايب مرمي
ابدم الوريد اتحنه وبهالعرس متهنه
اتعنيه يم كبره نخوم ردينه تدري بيا حال

* * *

جابر يجابر بالغرب ظليله
ويم النهر طايح جسم والينه
صوبوا جوده وسهم صوب عينه
وراسه انفضخ واتگطعت چفينه
يم النهر خيلناه لليسر رحنه وعفناه
والحرم تصرخ وتلوم ردينه تدري بيا حال

* * *

يا جابر هنا سلبوا اطفالي
وهنا يجابر رخص دمعي الغالي
يوم الرجع مهر أبو اليمه خالي
ايصيح الظليمه وظل يدور گبالي
عالوالي من انشدناه راح وتعنيه وياه
ومن رحنه واشكينه هموم ردينه تدري بيا حال

* * *

يا جابر هنا عيلتي سلبوها
وهنا يجابر للجثث سحگوها
وهنا يجابر للخيم حرگوها
وابفگد أبو اليمه الحرم يسروها
ابدرب اليسر مشونه وفوگ الهزل رچبونه
واليوم يم المظلوم ردينه تدري بيا حال

* * *

العباس بن علي بن أبي طالب (عليهما السلام)

عباس يا بحر الزود عباس هاك اخذ الجود
گوم انظر حالة ايتامك تنتظرك ظلت بخيامك
عباس يا بحر الزود عباس هاك اخذ الجود

* * *

يا عباس آنه اختك زينب أشكيلك واسمع شكواي
اتعنيك يا شيمة اهلي جيت وجبت العيله وياي
أطفال وخدر عطشانه كلها اتصبح الماي الماي
ينخاك گلي المجروح ينخاك لخيامك روح
رضعان اتشاهد جدامك تنتظرك ظلت بخيامك
عباس يا بحر الجود عباس هاك اخذ الجود

* * *

يا عباس انظر حالته عطشان ايلوذ ابعطشان
نفرض هاي الخدر تصبر لاچن شيصبر الرضعان
وانظر عبد الله بيا حاله يتلاهب گلبه ابنيران
اطفال لا وين تروح اطفال تنحب وتنوح
صرخات اتميج آلامك تنتظرك ظلت بخيامك
عباس يا بحر الزود عباس هاك اخذ الجود

* * *

عباس اسمع صوت اطفالك چم طفله اتنوح وتنخاك
ما تدري اسكينه بيا حاله تنتظرك بالخيمه هناك
وابصوت الاحزان تنادي يا عمي اتعنيك وياك
بحماك يا عمي جيت بحماك يا سور البيت
خابن احلامي واحلامك تنتظرك ظلت بخيامك
عباس يا بحر الزود عباس هاك اخذ الجود

* * *

يا عباس واصعب موقف موقف مثله ما شفناه
اطفالك واحد للثاني ايگله الشاطي ذاك وياه
ساعه وعمنه يروح ابجوده وايجب الماي ايمناه
للماي مشبوحة عيون للماي منك يردون
اطفالك زهرة ايامك تنتظرك ظلت بخيامك
عباس يا بحر الزود عباس هاك اخذ الجود

* * *

عباس اعيالك عطشانه وهذا الحال اصعب كل حال
يا خويه وشتشوف عيوني رضعان وخدر واطفال
لو اگدر اعصر دلالي واسگيها ايماي الدلال
انخاك ما تعرف ليش انخاك حاطتنه الجيش
گوم احمي اعيالي ابصمصامك تنتظرك ظلت بخيامك
عباس يا بحر الزود عباس هاك اخذ الجود

* * *

شال الجود وشال الرايه والسيف ايلوح ايمناه
صنديد وهاج اعله الحومه شيصبره وزينب تنخاه
سيطر عالشاطي وفرسانه وفرت من بين ايده عداه
نادوه گوم العدوان نادوه رد الصيوان
خل اختك تنطيك اوسامك تنتظرك ظلت بخيامك
عباس يا بحر الزود عباس هاك اخذ الجود

* * *

ذل الحومه وأدّه الواجب ضحّه ابروچه لأجل الدين
صابوا سهمين ابو جدانه سهم الجود وسهم العين
وبالعامود اتصوب هامه وانگطعت منه الجفين
نادوه سيفه والجود نادوه لخيامك عود
عيالك يالمتصوب هامك تنتظرك ظلت بخيامك
عباس يا بحر الزود عباس هاك اخذ الجود

* * *

طهران / ۱۹۸۵ م

في وفاة الرسول الأكرم (صلى الله عليه وآله)

عترة الهادي جاروا اعليها

وجمرة الظلّعين من يطفئها

* * *

اصرخ واصيح اليوم افجع كل يوم

يالهادي اشرحلك مصايب وهموم

من عترتك ظلّعين كسروا هالكوم

ظلع البتول وظلع ابنها المظلوم

علة الكسرين من يداويها

وجمرة الظلّعين من يطفئها

* * *

يالهادي خانت امتك بالعترة

اول ظلع كسروه من الزهره

وثاني ظلع برض الطفوف اتنظره

يضموم الوكع شبلك وداسوا صدره

جارت الدنيه وكل اهاليها

وجمرة الظلّعين من يطفئها

* * *

اشرح الك حاله حزن بالمختار

طفلين منكم راحوا وتدرى شصار

اول طفل محسن هو ابياب الدار

والثاني عبد الله الرموه الاشرار

لوعة الطفلين ابروحي اخفيها

وجمرة الظلّعين من يطفئها

* * *

والفجع روحي وفجر دموع العين

بگلوب اهل بيتك التهبت نارين
نار اعله باب الدار وجّرها البين
والثانيه اتلاهبت بخيام حسين
وفاطمه النارين تستعر بيها
وجمرة الظلعين من يطفئها

* * *

والچتفوا حيدر ابذيچ الانجاد
وانغصب للبيعه وبالاغالل انگاد
نفس الاغالل اتحولت للسجاد
من چتفوه بيسر گوم ابن زياد
گلوب اهل بيتك تعلم اشبيها
وجمرة الظلعين من يطفئها

* * *

وچبدین کل واحد تصوب بصواب
اول چبد من الحسن بالسم ذاب
وثاني چبد اصعب واشد كل مصاب
ابسهم المثلث چبد أبو اليمه انصاب
رمية الچبدین ابگلي رامیها
وجمرة الظلعين من يطفئها

* * *

راسين منكم صابوا اشرار الناس
ابسیف ابن ملجم صوبوا أول راس
والثاني یم النهر راس العباس
صابوه بالعامود گوم الارجاس
والحرم طاحت كل مبانيها
وجمرة الظلعين من يطفئها

* * *

مع جنود الحسين (عليه السلام) (عكيلي)

انصار ونعرف واجبته وابدمنه الدين امطالبنه

* * *

احنه الانصار المعروفه غايته اعله الحق مكشوفه
قائدنه حسين ومنعوفه ابساعات الشده يجربنه

* * *

ملتزمين ابنهيج القائد متّحدين بمسلك واحد
من اجل الاسلام انجاهد والفاهم يعرف مطلبنه

* * *

للاسلام انريد انصره واتوضحت اهداف الثوره
هيهات انغير هالفكره واهل الباطل ما ترهبنه

* * *

نمتاز بایمان وعفه وفكرته بحق ما مختلفه
للظالم منصافح چفه وندحر كل طاغي ايجاربه

* * *

صرخات وبالدم نحجيه لتعادي حسين انعاديها
جله الارواح انضحيه وصوت الدم يشهدله ايجبه

* * *

صف واحد ندخل للحومه انحارب ابن زياد وگومه
كل ظالم موعود ابيومه وهيهات ايجيشه ايرينه

* * *

جيش ابن زياد ابآلافه صفت رماحه وسيفه
هالموقف هيهات انخافه بالاستشهاد ايرغبه

* * *

لو حلت ساعات الشده انوگف كل مغرور ابحده
ويزيد اشما كثر جنده عن القائد ما يحجبته

* * *

لو شنت غارات العسكر قبل حسين امد المنحر
والموقف بالدم يتقرر ورتات الصارم تطرينه

* * *

انرحب بالموت وما انبالي ونرفع راس الدين العالي
وانضحيله ابدمنه العالي ويصير الفوز الجانبه

* * *

طهران / ١٩٨٥ م

التوحيد

ادرس المصحف واخذ العبر من السور
(لَيْسَ لَوْفَعَتِهَا كَاذِبُهُ)

* * *

نبتدي (ابقلْ هُوَ اللهُ أَحَد) ابحق انعبد
واعترف حق (إِنَّ اللَّهَ الصَّمَد) ابحق انعبد
(ولم يكنْ له كفواً أَحَد) ابحق انعبد
حكمة الخالق اتوضح الك سر الفلك
بالعلم تكتسب هالمرتبه

* * *

(هَلْ أَتَاكَ حَدِيثُ الْغَاشِيَةِ) بالهاويه
(سَوْفَ تُسْقَى مِنْ عَيْنٍ أَنِيهِ) بالهاويه
(ثُمَّ، سَتُصَلَّى نَاراً حَامِيَهُ) بالهاويه
بالعمل تخلص بيوم الحشر من الجمر
نار القيامة هالمتلاهيه

* * *

(إِنْ بَطِشَ رَبُّكَ لَشَدِيدٍ) وهو الحميد
(إِنَّهُ هُوَ يُبْدِي وَيُعِيدُ) وهو الحميد
(رَبُّكَ فَعَالٌ لَمَّا يُرِيدُ) وهو الحميد
بعاد وتمد انضرب هالمثل شوف الجهل
باغايه وللاله اتحاربه

* * *

(كَيْفَ فَعَلَ رَبُّكَ بِعَادٍ) ذات العماد
(هُمُ الَّذِينَ طَغَوْا فِي الْبِلَادِ) ذات العماد
ثم (فَأَكْثَرُوا فِيهَا الْفُسَادِ) ذات العماد
شوف النهايه سكنها لسقر وبيها استقر

ندعوا الاله بحسن العاقبه

* * *

(قُتِلَ الْإِنْسَانُ مَا أَكْفَرَهُ) بِالْآخِرِ

(ثُمَّ أَمَاتَهُ فَأَقْبَرَهُ) بِالْآخِرِ

(كَلَّا لَمَّا يَقْضِ مَا أَمَرَهُ) بِالْآخِرِ

وَكَلَبَ الْمُوَالِي بِالْحَشْرِ ضَمَنَ جَنَّةَ عَدْنِ

وَيَدْخُلُ الْجَنَّةَ بِالْعَزِّ وَالْإِبَةِ

* * *

(لِمَنْ خَافَ رَبَّهُ جَنَّاتٍ شُوفَ الْبَيَانِ)

(فِيهِمَا عَيْنَانِ نَضَّاخَتَانِ شُوفَ الْبَيَانِ)

(وَفِيهِنَّ خَيْرَاتٌ حِسَانِ شُوفَ الْبَيَانِ)

جَنَّةَ عَدْنِ بِسَ لِلْيَهُوهِ عَلَى نَعَمِ الْوَلِيِّ

وَتَسْكُنُ جَهَنَّمَ كَوْمَ النَّاصِبَةِ

* * *

حَيْدَرَ الْحَاكِمِ ابْيُومِ الْحَشْرِ بِيَدِهِ الْأَمْرِ

ابْمَلِكِهِ الْجَنَانِ وَمَسِيلِ الْخَمْرِ بِيَدِهِ الْأَمْرِ

وَنُورِهِ الْيَخْمَدِ لَهَيْبِ الْجَمْرِ بِيَدِهِ الْأَمْرِ

حَيْدَرَ تَعَالَى ابْمَعَالِي الْعِلَّةِ شَانِهِ اعْتَلَّهُ

وَأَسْمَهُ عَالِلُوحِ الْقَلَمِ كَاتِبَهُ

* * *

طهران / ١٩٨٥ م

هذا حسينك في العراء محزوز الوريد من القفا (موشح)

حسين لمن طاح مرمي اعله الثره الخيل هجمت عالثنيه امسدره

* * *

حسين للتوديع من طب للخيم اتلگته زينب وللملگه ابتسم
صاحت أنه الاكفل ايتام وحرم وانبحج گلبه وتطيّب خاطره

* * *

ودع العيله وطلع من الخيام بالشهاده روحه ماخذها الهيام
نظر آخر نظره لوجوه الايتام يدري من بعده تظل متحيره

* * *

ودع اطفاله ابگلب ينبع صبر يدري من بعد العسر يصبح يسر
منتظر يوحى إله الباري بأمر منحره لأسم الجلاله ايكبره

* * *

صدر امره ودخل ميدان القتال ابصارمه ايگلب غده صفوف الرجال
بالابه ايصد البواتر والنبال وثگل عالعدوان ويد الزمجره

* * *

حمل عالميمنه وذبحا اعله الگلب وصاح بالميسره وتيّهها الدرب
الحومه صارت رحه وعساله الگطب وغده ايدكرها بمواقف حيدره

* * *

حمل حملة ضيغم امودع الحياه وحاطته العدوان من ست الجهاده
اجهده حر الضمه ورام المماه ومن جبينه لشييته دمه جره

* * *

اول صواب الحجر صاب الجبين ونفذ سهم البين من گوس اللعين
طاح من عالمهر للمصرح حسين بگه اعله الصيوان شابح ناظره

* * *

شاهد العسكر عالمخيم فزع نهضته النخوه وعلى وجهه وگع
حيث سهم البين من ظهره طلع وجثته بسيوف اميه اموذره

* * *

فوك اصاوييه وگقطع چبده وضماه ايشوف جيش الكوفه متوسط حماه
صاح صوت وزلزل العالم صده لا تروعون الحرم المخدره

* * *

شبت صاح اعله الشمر رجّع الخيل حسين بعده بالحياه وعنده حيل
اسمعنه صوته وصار برهان ودليل والسلب بعد الممات انقره

* * *

رجعوا وما وصلوا لحد الخدر والجريمه انرسمت ابعين الشمر
للذبح ناوي وشهر سيف الغدر للغريب ايريد يگقطع منحره

* * *

بيده سيفه واعتنه لذبح الإمام وكف فوك الجسد وكفه انتقام
وجهه منبوذ وكشف عنه اللثام اكفهر لو ردت او صف منظره

* * *

فوك صدر ابن النبي ثنه اللعين ابسيف طغيانه ابتده ابگقطع الوتين
بالسمه الاملاك صاحت يا حسين اعز عليه لگقطع نحرك ننظره

* * *

الراس من انفصل عن جسم الغريب الحرم بالصيوان ضجن بالنحيب
حيث شافن جسم أبو اليمه خضيب وصدرة ميدان الخيول الغادره

* * *

اطلعت من الخيم زينب حايه بين نار وخوف وآلام وضمه
على التل وكفت لحوها التحشمه لمن اتعنت العسكر غايه

* * *

من على التل صاحت اهدم مع هطول انجان ميّت امري لله وللرسول
انجان حي انهض ورجع هالخيول واطفي نار خيامك المتوجره

* * *

عگب ما ايست رجعت من التل للخيام اللاهيه اتلم الاهل
مثل دم حسين دمع العين هل وليسر زينب غدت تتصوره

* * *

الكاظمية المقدسة / ١٩٧٧ م

يا آل نزار (موشح)

يا نزار وآل عدنان ولؤي شدوا خيل الثار واطووا الكون طي

* * *

يا نزار حسينكم بالطف ذبيح ولا نزاري منكم ابثاره يصيح
اتغسل ابدمه وهو دامي وجريح يا عجيبه والفرات ايفيض مي

* * *

صار جسمه مرتع لمخلب يزيد ورأسه يتناكل على ذروه الميد
ماهي مرضيه الحرم تكطع البید ورأس اخوهن كسر عالایتام في

* * *

حسينكم رأسه على روس الرماح وشيعت جسمه السماهر والصفاح
والهوادج سايره ابهم ونواح وبالظلام الرأس الهم صار ضي

* * *

بالفيافي اتغالب البحر الفله يالتروم اوصف الك هالعايله
بس هياچل والارواح ابكريله اميسره واخذوها من حي لحي

* * *

سارت ورأس الولي وياها سره ايباري حرّات البگت متحيره
لچن ظل الجسد ثاوي اعله الثره ميت لاچن لعد رب الكون حي

* * *

بالبوادي چم وچم طفله وطفل اهون اعله الارض من ظهر الابل
الرأس يثگل عالرمح ما ينحمل يعرفون اهنالك منهم طاح شي

* * *

وزينب ابعبرات وهموم وحنين من الحمل صدت لرأس الحسين
شافته بالحجر مرضوض الجبين نادته يا هو الفضخ راسك يخني

* * *

ابغرة الحمل لغرّتها اضربت ومثل الصواب البراسه اتصوبت
وهي فوگ الناکه صاحت واندبت يا هلي اسهام الغضه اترامت علي

* * *

يا علي والله لون يمي هلي الحرم ما چان آگطعت فج الخلي
يا قصي دمة الايتام آهلي آهلي دمعات اليتامه يا قصي

* * *

غيركم هاي اليتامه ماله او دونكم هاي الطعابين تايهه
والحرم يا هيه فگدت رايهه اتخبرت مضا بين تيمهاها وعدي

* * *

يا هلي صبر الگلب للکلب فت والشماته آگطعت من دلالي بت
من وصلت الشام دمع العين کت کت يويلي واشتمت زمرة الغي

* * *

حرت مدري الكوفه اصعب لو الشام والمهج بالنوح ماخذها الهيام
يا هلي رديت بظعون الايتام ردت شوفتكم لچن ما طح بدي

* * *

مشهد المقدسة / ١٩٨٥ م

الإمام الكاظم (عليه السلام) (موشح)

روحي غابت والاجل ييراها ويه نعشك عاجسر خلاها

* * *

روحي غابت والامل وياها غاب والدهر داهمها بافجع كل مصاب
ابلوعة مصابك بين داحي الباب وشعل جمر الغضه ابلب حشاها

* * *

اتصورت حالتك وانه بالسجن امكيد ابثكل الحديد او ممتحن
ابضميرك تلتهب نار الحزن وروحك طيور الاجل تنعاها

* * *

آه يالكاظم ولا ينفع الاله الجرح لمن ينفتح يصعب دواه
اشلون چف الفاجعه لچفك لواه وبالمنيه الجثتك واراها

* * *

سلهمت جفني وسمعت الناعي صاح راك ابن جعفر ابسم الغدر راك
للجسر روحي تعنت بالنياح وجرم نار الحزن راك وياها

* * *

رفرفت روحي اعله نعشك يا غريب شاهدت حاله الطفل منها يشيب
ما لفت يمك حموله او لا صحيب بالدفن لجنازه تتبناها

* * *

ارد انشدك يا فرع عمر العله ركبته ليش المديد امكبله
الطاغي ما تكفيه ذبيح السلسله ابركة السجاد من خلاها

* * *

ليش چبدك سيدي اتكطع ابسم ما كفاهم كربلا وذاك الالم
حين صابوا چبد الحسين بسهم وغسلوا جثته ابفيض ادماها

* * *

وبعد نعشك عاجسر ليش انرهن ما كفاهم جسم أبو اليمه لمن
ظل ثلث تيام مرمي بلا چفن وجثته تراب الارض غطاها

* * *

ليش بين الطهر فجعوا عيلتك ما كفاهم هضم زينب عمتك
فرع لمصاب الطفوف مصيبتك وظلت لهذا العصر مجراها

* * *

بالظلم والجور هارون الرشيد ابد ما يختلف عن جده يزيد
هالطغاة اصبحوا للدنيه عبيد اكل زمان اهل الظلم تلگاها

* * *

طهران / ١٩٨٦ م

متى تظهر (موشح)

يا بقية غالب من ابدورها يمته لفلاك المنايه اتدورها

* * *

ابحثته عن طلعتك وافنيه المهج وغصنه بالاسرار واخذته اللجج
اعرفنه بس الصبر مفتاح الفرج شمس هجر ما عرفنه ظهورها

* * *

اختفت مدة غيبتك بين الرسول وحارت الافكار وارباب العقول
بعد ما تدري اشتصرح واشتگول اتحيرت بسنينها وبشهورها

* * *

يا سنه يا شهر يا يوم الظلام ينكشع ديجوره عن وجه الاسلام
يمته شمسه للمله اتميط اللثام وتجلي عن وجه السنن ديجورها

* * *

سر مغيبك عجز الياخذ الفال وصقن اهل النجم والتضرب رمال
ما يجي البخاطر ولا يمر البخيال شفره ما واحد كشف مستورها

* * *

لا نبي ولا وصي ولا عالم گدر يحصي مدة غيبتك عن البشر
چم قرن مدتھا چم عام وشهر حكمه والباري اعرف مضمورها

* * *

ما عرفنه المده بحساب وعدد لچن رب الكون واعدنه ابوعد
الارض لمن تمتلي الجور ونكد هناك يظهر للطلايع نورها

* * *

ايديل الجور وظلم قسط وعدل ويگطع بنود الشرك فرع واصل
من بحر غيها الشرع ينجه مثل ما نجه ذنون من الجورها

* * *

بكل زمان اتواجدت وبكل عصر زمره بين المجتمع تزرع جذر
تبذر الاحقاد والعش والغدر والفساد انتشر من بدورها

* * *

الطبيب ايداوي وايجس النبض والطبيب اشلون لو صابه المرض
والتجبر الكسر وتشافي الرض لو انكسرت من يداوي كسورها

* * *

مجمع معلوم ما بي كل رجه من المرض والكسر واحد ما نجه
الطير من يندعر بالعش التجه اشلون لو بالعش تحط صگورها

* * *

هالشكل صرنه بين خير العمل بين خوف وجور وآلام وعلل
امتك يالمهدي صح بيها المثل ميته وتنتظر نفخة صورها

* * *

ما حصل بيها شهم وانحشمه كلها صارت للخصم مستسلمه
صفت مثل العيش چاتلها الضمه والعذب محمول فوگ ظهورها

* * *

بالموصف امتك صارت تنوصف والرجال من النسه ما تنعرف
انتهازيه وتساير كل ظرف وعالرذيله جمهرت جمهورها

* * *

يدعون اسلام لاجن بس اسم من تغيب الروح شيفيد الجسم
من سور الاحكام حفضت بس رسم وكفرت بأياتها ودستورها
انچان يالمحجوب برض الطف شمر عدنه بالالاف مثله بمالعصر
هالاسم يفجعني لمن يندكر اذكر الصفوه اللي حز نخورها

* * *

ايبا لسان اوصف بين فارس مظر ابساحة الطف طاحت اركان الفخر
ابطيحت السبعين والسبعه وعشر ابيوم عاشر من شهر عاشورها

* * *

فوگ همك ما ردت ينضاف هم واذكر مصاب الذي ايفسر الصم
حين جدك طاح متغسل ابدم وجثته تراب الارض كافورها

* * *

طاح لاجن طاحت وياه الشيم فرصه صارت بيد عباد الصنم

هجمت السلاية لحدود الخيم والارامل سلبوها خدورها

* * *

اطلعت يا المحجوب عمتك والهه من المخيم على التل متوجهه

حالمها ما اظن حال ايشابهه حال زينب للجبال ايمورها

* * *

على التل وكفت وعلنت بالمصايب انجان حي بعدك بين داحي الباب

انخص ورجع الخيل من الاطنايب عيلتك حركوا عليها ستورها

* * *

انجان ميت يا شبل حامي الجار انه ارجع للحرم واحرس الدار

بالاجدام الثابته اسحك النار وانظر عيالك عكب ناطورها

* * *

واليسر خليني انه واليسر واليروم العزه يسحك عالجمر

فصلت للكلب جلباب الصبر وما تهمني گوم اميه وجورها

* * *

طهران / ١٩٨٦ م

حميده بنت مسلم (البحر الطويل)

زينب وصّت العيله لا تدخل مره عليه
الله فاجده وثكله لو بالهم تواسينه

* * *

من طوح الحادي وسار للكوفه وتعناها
ماخذ حرم مسبيه ويسيره ابفكد ولياها
تحن وتنتحب لاجن يفسر الصخر ميجاها
وطب الظعن للكوفه
البحر وايتام مجتوفه وعليل ادموعه مذروفه
وحبل اليسر متواصل بين العايله وبينه

* * *

الفواطم وصلن ولنهن ابدار الهظم مجموعات
وزينب وصّت الخدر ابصوت الحزن والعبرات
لا تدخل مره عليه واحنه ابديرة الشّمات
صدّت والدمع خنياب
لن حرمه اوگفت عالباب نادتها ابدمع سچاب
هاذي ياهي هالوگفت على الباب وتصد لينه

* * *

نادتها المره ولاچن جفنها يهمل دموعه
يا زينب يبعد اهلي مثلچن آنه مفجوعه
آنه الضيقت مسلم آنه او صيفتچ طوعه
اجيتچ والدمع مدرار
اذكرت مسلم وحيلي نهار اسمعت طفله اله ابالدار
اجيت انظر هاليتمه ودليلي يخفف ونينه

* * *

وزينب جاوبت طوعه يطوعه طلبتچ سهله

لوّج يا بعد بيتي تنشدني اعله هالطفله
حميده هاذي وبها اجت للمدمع اتمله
وحميده تنادي يا عمه
اشتريد اتعنت الحرمه لمسلم تلهج ابأسمه
انچان اتعرفه خل انشد واشوفن والدي وينه
* * *

حميده اوگفت يم طوعه شگول اشوگفت ايبا حال
حال الطفله من تفگد ابوها وتگطع الامال
تگلها احچيلي يا طوعه اعله ابويه والدمع همال
اگطعت من والدي الضنه
اجيت ارد انشدچ عنه خبر ما مش بعد منه
تضعضع وانهدم حيلي يطوعه ابفگد والينه
* * *

خبر عن مسلم احچيلچ واخبرچ من دمع عينا
لفاني والدچ للبيت مني يريد شربة ماي
وظل واجف اباب الدار مذهول وشريد الراي
واجف بگه ابذاك الحين
يتلفت يسار يمين مختار ويدير العين
بطل حيلي عليه وچان يجري الدمع من عينه
* * *

ناديته شربت الماي شنهني وگفتك بالباب
تدير ابعينك وچنك غريب ابديرة الأجنا
ولمن سمع المناشد ندهني والدمع سچاب
آنه من بني هاشم
عليه جارت الوادم جفتني وتبعت الظالم
خانت بيعتني ودهري على سدد نياشينه
* * *

گتله يا حليف الزود هالدار اصبحت دارك

انته صاحب لهالدار واحنه نصير خطّارك
چانت مظلّمه وسّاع تزهي وتشع بنوارك
اريد اعتذر سامحي
لون چلمه اظهرت مني تراني الدهر دوهي
واليشحذ عليك السيف ريت انشلت ايمينه
* * *

الشهم آمن دخل للدار لاجن شافته الانظار
وعاجل لعدگوم زياد الهم وصلت الاخبار
واتعنت رجال وخيل تعدي ودارت اعله الدار
ومسلم ظل يصد ويشوف
جيش امجردين سيوف ما مسّه جزع لا خوف
صاحوا وين رايد وين وامرك صار بيدينه
* * *

طلع للجيش يا حيّاه طلعت حيدر الكرار
طواها وذل عجيدتها ونشبهها الويل بالبتار
لاجن يا وسف تالي تولوه ابنبل واشفار
بسيوف ونبل حاطوه
اميسر للگصر ودّوه ومن اعلى الگصر ذبوه
تهشّم جسمه واعله الكاع من الگصر رامينه
* * *

هذا يا حميده الصار ابعودچ يا بعد عودي
هالنوبه يروح الروح جودي بالدمع جودي
اريد اتگابل وياچن وهل دمعي على خدودي
واصاحن صوت يا مسلم
عليك الحيل متهدم وهالعالم صبح مظلم
ندور الصبر من يا صوب ما واحد يدلينه
* * *

صريع الخراب

طاحت اركان الديانه من طحت يا حامي الحمه

طاحت اركان الديانه

* * *

هامت ابروحي الفاجعه وگلبی ذاب

وجبریل يهتف بالسّمه ابصوت مصاب

لمن طحت يا ابا الحسن بالخراب

طاحت اركان الدين يا داحي الباب

يهتف ابگلبه ولسانه وينادي بعنان السّمه

طاحت اركان الديانه

* * *

يا علي صوابك هدم ركن الإسلام

وانفجعت آيات الشرع والاحكام

ولبست ثياب الحزن طول الأيام

وابطحتك يوم الطحت يا ضرغام

اتهدم الدين وكيانه من خضبك فيض الدمه

طاحت اركان الديانه

* * *

راسك الطاهر من تفايض دمه

ثوب المصيبة اتفصل اعلاه الأمه

وگلب السنن لاهب الجمره همّه

وروح القدس يا ابا الحسن متولمه

يا علي مصابك دهانه والدنيه امست مظلمه

طاحت اركان الديانه

* * *

بسيف ابن ملجم هامتك مصيوبه

وشيبتك من دم طيرتك مخضوبه
هالليله املاك السمه مرعوبه
وبكل كلب نار الحزن منشوبه
بالكلب يسعر لضاناه ونار المصايب مضرمه
طاحت اركان الديانه

* * *

انشد ابصوت الفاجعه يا كرار
اشلون ابن ملجم سل عليك البتار
اتجسر ولا هابك يحماي الجار
من دخل محرابك وصار الما صار
صابك ايسيف الخيانه يا علي ابطيرة صارمه
طاحت اركان الديانه

* * *

يا علي ولمن طحت فوك الغيره
والوجه متخضب ابدم الطيره
هاشم تعنت وابصدرها العيره
دخلت المسجد هايمه ومنذعه
صاحت اتصوب حمانه ابطيحت حليف المكرمه
طاحت اركان الديانه

* * *

ونعشك بني هاشم يحيدر شالوه
ولجسمك اهيبة العصمه دفتوه
بس جسم أبو السجاد بالطف خلوه
عالغيره مرمي وبالترايب چفتوه
بالترب فصلوا اچفانه وزينب اجت اتحشمه
طاحت اركان الديانه

* * *

ريتك يحيدر حاضر ابذاك اليوم

وتشوف لمن طاح جسم المظلوم
عالخيم هجمت يا علي خيول الغوم
سلبوا بناتك واصرخت ام كلثوم
عالنهر طايح لوانه ومن طاح سور الغامه
طاحت اركان الديانه

* * *

طهران / ١٩٨٤ م

الهاشميون أبطال الوغى

هاشم الاحرار اتعنت اعله النار
سمعت بمسلم غضه اتعنت اعله النار

* * *

سار ظعن حسين لكربلا كاصد
والامل معقود ابرية القائد
هاشم اتعنت رايده اتجاهد
ساروا ابهمه ابظعن أبو اليمه
للمدله رافضه اتعنت اعله النار

* * *

والهوادج هاي بالجلاله اتنور
وزينب اتشاهد للعلم منشور
وصارم الايمان بالعزم مشهور
أبو اليمه صار ينتظر اخبار
وهاشم ابجمر الغضه اتعنت اعله النار

* * *

والفرزدق شاف هالشم ملتم
خير المظلوم عن چتل مسلم
الكوفه كله اليوم عالغدر تعزم
كلوبهم تهويك والسيوف عليك
كله هاشم معرضه اتعنت اعله النار

* * *

حسين واخوانه وكل بني عمه
واتحزمت للنار وصاحت ابهمه
واقسموا ميضيع مسلم ودمه
ثاره عيب ايروح نفتدي بالروح

للمنايه خايضه اتعنت اعله الثار

* * *

حسين لمن شاف آل أبو طالب

ابثار ابن عمها رايده اتطالب

ناده حياكم يا بني غالب

راشده النيه للغاضريه

ابكريله ايضيگ الفضه اتعنت اعله الثار

* * *

لن گمر هاشم شهر بتاره

صاح يا مظلوم خل نشن غاره

تقبل لمسلم انضيغه لثاره

حسين گال اشلون مثل ما تردون

والظعن سار ومضه اتعنت اعله الثار

* * *

جعفر وعثمان ايدوا عباس

جاوبوه الموت لو حصل لا باس

ولا نطل انعيش امهبطين الراس

لبن عممه اليوم ننطي غالي السوم

والشهاده اتعوضه اتعنت اعله الثار

* * *

وعون خاطبهم لجل ابن عمي

ارخص الغالي وافتدي ابدمي

الثار يهل الثار عالزلم حتمي

انبحج گلب حسين اباخوته الطيبين

لحال اخوته ايلا حظه اتعنت اعله الثار

* * *

لكربلا وصلوا وشافوا الحاله

جيش ابن زياد صفوا ارجاله

لن أبو السجاد صوته يتعاله
اهل بيتي وياي اليوم عند عداي
ما اضنها معرضه اتعنت اعله الثار

* * *

جاوبوه الكوم يا حسين نريد
تعلن البيعه للخليفه يزيد
حسين جاوبهم ما نمد الايد
وكل بني عمي امصوته يمي
لحكم اميه اتعارضه اتعنت اعله الثار

* * *

طهران / ١٩٨٥ م

وداعاً يا حسين

يحسين هاي الليله آخر ليله انعيش وياك
هاليوم اصعب كل يوم وانودعك يا مظلوم
يحسين هاي الليله آخر ليله انعيش وياك

* * *

الليله الاخير من العمر وياكم
باچر يخويه اعله الترب نلگاکم
اسمع دليلي اشصاح واشوصاکم
بالشيم يرباب الشيم ننخاکم
يحسين هاي عيالك هاي اطفالك من بعداك
آنه أحرصها امن الكوم وانودعك يا مظلوم
يحسين هاي الليله آخر ليله انعيش وياك

* * *

آنه العقيله وشاهدت جدّامي
مو زلم چنھا ابدور وسط خيامي
واشما تجور ابكرله ايامي
شوفتكم اتروي دليلي الضامي
يحسين هاي رجالك كلها گبالك تتفداك
صاحوا عالحومه نخوم وانودعك يا مظلوم
يحسين هاي الليله آخر ليله انعيش وياك

* * *

يحسين لتهابون اشرار الناس
لازال وياكم اخويه العباس
هاليه ظل بين امي مرفوع الراس
وجثتك باچر بالحوافر تنداس
يحسين عندك قائد بالحگ صامد بين اعداك

عهدك بالدم مرسوم وانودعك يا مظلوم
يحسين هاي الليله آخر ليله انعيش وياك

* * *

يحسين تدري بأختك اشتتمنه
كلمن يروح لمصرعه ويتعنه
حتى الضماير كلها تشهد انه
قدمنه شاب ابدم وريده اتحنه
يحسين شاهد جاسم بيده الصارم واتعنك
وينادي انضحى دموم وانودعك يا مظلوم
يحسين هاي الليله آخر ليله انعيش وياك

* * *

بين امي ويه الكوم ابذل جهدك
بلجن تحس ناس اللي تطلع ضدك
تبرز كبال اشبه الناس ابجدك
شبلك الاكبر هذا مهجة جبديك
يحسين هذا الاكبر يم الخدر ظل يتناك
كوم لصيوانك كوم وانودعك يا مظلوم
يحسين هاي الليله آخر ليله انعيش وياك

* * *

كام أبو اليمه للخيام وكصده
ايشاهد الوجه اللي يذكره ابجده
والتفت لن شاهد رضيعه امهده
ومن شاف عبد الله تفطر جبده
يحسين طفلك ضامي وسط خيامي امهده هناك
ايناغي ابكليه المضروم وانودعك يا مظلوم
يحسين هاي الليله آخر ليله انعيش وياك

* * *

اتعنه لرضيعه حسين يجري العبره

وعالمهد مثل الكوس محني ظهره
بيا عين أبو اليمه لرضيعه اينظره
بالمهد يتلوه وتدارك امره
يحسين انظر طفلك ضامي مثلك نترجاك
گوم واسگي المحروم وانودعك يا مظلوم
يحسين هاي الليله آخر ليله انعيش وياك
* * *

طهران / ١٩٨٦ م

رمز الإباء

ثورتك يحسين ثورة معتقد

بيك اقتدينه والعالم شهد

* * *

يا صفوة الخالق وكنز الاسرار

ثورتك صارت درس لهل الافكار

وضحت دستور الشيم للاحرار

وبكل زمان اتعيد نفس الادوار

موقفك يحسين بالطف انرصد

ابدريك مشينه والعالم شهد

* * *

مشعل الثورة اتنور ابفيض دماك

والكون يا مظلوم يزهي ابمعناك

واحنه المشينه ابدريك وعاهدناك

آخره ودينه ييو السجاد وياك

ثبتت يحسين للدين العمم

يشهد نبينه والعالم شهد

* * *

هذا الحديث الوارد ابنهج الدين

عن الرسول الهادي نور التكوين

لحسين مني گال وآنه امن حسين

واحنه اعله هاي السنن بالعز ماشين

حبك يظلوم من أب وجد

ينتقل بينه والعالم شهد

* * *

صاح الضمير اتحقققت آمالي

نرخص لاجلك كل نفيس وغالي
وجمرة مصابك تسعر بدلاي
وشفرة احزانك يا شهيم تبرالي
جسمك يظلوم عالغيره سجد
وامكطعينه والعالم شهد

* * *

جسمك الطاهر من وكع عالتربان
سجلت من دمك سور للقرآن
وابطحتك طاحت اركان الايمان
وابكل كلب تستعر نار الاحزان
وابحافر الخيل مسحوك الجسد
وامسلبينه والعالم شهد

* * *

نهضتك برض الطف درس للأجيال
ابدم الوريد اكتب توضح الحال
واشتركت ابنهضتك حتى الاطفال
واشلون ثوره البيه مسبيه عيال
بالكوفه والشام ثبتت عالعهد
هاي الضعينه والعالم شهد

* * *

يحسين يالفجرت اعظم ثوره
ابدمك الغالي ارسمت هاي الفكره
من مثلك الخياله رضت صدره
وعياله راحت بالظعن متيسره
ابثورتك هزيت اركان الحسد
من المدينه والعالم شهد

* * *

من ارض المدينه لكربله يا مظلوم

راسم درس بالشرف والعز مرسوم
لا أشر طالع لا بطر ضد الكوم
غايترك تدفع للشرف غالي السوم
والباري لولاك ما چان انعبد
ناصرت دينه والعالم شهد

* * *

ابچف الشيم صافحت ذاري المصرع
وجسمك الطاهر بالسيوف اتقطع
لييض الاشفار وللعواسل مرتع
يا جبل قاف الشامخ الما يخضع
جسمك للسيوف صار الهن غمد
واموذرينه والعالم شهد

* * *

بعلبك / ١٩٨٢ م

الإنسان والمسؤولية

موقف الأمة خطير وبينهم اهل الضمير
بعده صوت حسين يهتف لا معين ولا نصير
وبينهم اهل الضمير

* * *

نفتتح موضوع فكري غامض ويطلب بيان
نشوف كل إنسان يثبت مركزه باربعة اركان
ذات واحساس وضمير وفكر يبحث عن ضمان
قسّم واطرح واجمع يطلع الحل الأخير
وبينهم اهل الضمير

* * *

ليش خصصنه الضمير وغيره بالحل انترك
هوه الينجي ويوگع صاحبه ابوسط الشرك
وامتحان الناس يظهر بالشدد والمعترك
هذا يوم الامتحان وهذا تقرير المصير
وبينهم اهل الضمير

* * *

انقدم اطروحة معارف بالفكر مو بالكلام
ليش كل انسان يجرم من يصيبه الانفصام
وليش هاي الحاله تدفع هالبشر للانتقام
نريد حل لهالمسائل وباناملته نشير
وبينهم اهل الضمير

* * *

نوجد الحل الوحيد ونقط نوضع عالحروف
يظهر السبعين ألف انجنوا بيوم الطفوف
وابو اليمه گباله ينظر جيش متحشد صفوف

جيش سبعين الف طاغي وكافر ومجرم اجير
وينهم اهل الضمير

* * *

شاهد جسوم الصحابه بين مخضوب وتريب
وشاف اهل بيت النبوه بين مذبح وسليب
ظل أبو السجاد وحده بين هالوادم غريب
مثل هالموقف ميحصل لا مثيل ولا نضير
وينهم اهل الضمير

* * *

التفت لجسوم الصحابه وصاح يا نعم الاصحاب
وحدي ما بين آل اميه والامل عن عيني غاب
لن يشوف الجثث صارت تضطرب فوگ التراب
امغسله ابدم الشهاده امجفنه ابذاري الهجير
وينهم اهل الضمير

* * *

عگب ما أيس حسين وجفه صافح مصرعه
رجع لخيام النبوه وحنه ظلوع الفاجعه
وصاح يا زينب ابذمتج هاليتمه امودعه
وزينب اتجاوب اخوها ليش بعيونك تدير
وينهم اهل الضمير

* * *

ودع العيله الغريبه وطلع من الخيمه
ظهره مثل الكوس محني وكصد صوب الملحمه
منفرد ما عنده ناصر غير رحمه وصارمه
ولا معين اللي يعينه ولا مغيث ولا مجير
وينهم اهل الضمير

* * *

طلع مثل الليث يمشي وطلعت وياه الهمم

هجم عالجيش ابثباته وهجمت وياه الشيم
وطاح عالتربان لاجن طاح من غالب علم
جالت الخيل اعله صدره وجسمه من دمه عفير
وينهم اهل الضمير

* * *

اشلون هاي الامه ترضه حسين مرمي اعله الرمال
وابن مرجانه عليها يحكم البجور وضلال
ارد اناشد هالضمائر باچر اشتلگه الاجيال
تلگه جسم حسين دامي وابن مرجانه امير؟
وينهم اهل الضمير

* * *

بعلبك / ١٩٨٢ م

إلى رهين السجون

ياكاظم بمسموم ارید اشكیلك هموم
من یوم الغبت عنك هالیوم ارید اشكیلك هموم

* * *

یاكاظم انادی ابدمع مسفوح ودلالی تفطرّ
اصبر والصبر علّة المجروح ما ظن گلبی یگذر
بس الجسم عندی ویمك الروح یا موسی بن جعفر
بالغریه وانادیك وابهمك أواسیك
یاكاظم ومثلک گلبی مالوم ارید اشكیلك هموم

* * *

اعتب والعتب من جور الايام وسهام الحبه
وجرح البالگلب ما اظن یلتام من لوعة الغریه
شیصبر الغریب الیحمل آلام وتدری الغریه صعبه
دلالی مینساک غضیت العمر ویاك
ما ادری یصیر الغرب محتوم ارید اشكیلك هموم

* * *

بدموع الحنان ارسمت آمال وخابت هالامانی
خان الدهر بیّه والهجر طال وابسهمه رمانی
های المحنه ما چانت علی البال ویغدرنی زمانی
فارگتک یحبوب وعنک رحت مغصوب
وروحی یم ضریحک ظلت تحوم ارید اشكیلك هموم

* * *

اشكیلك بین كشّاف الكروب زاد الغلب همّه
اكشف همی یالحبك بالگلوب یا منمسح رسمه
أصدگ للضریح ارجع یحبوب ولگبرك اشمه
خل تعتب هالاحباب واسمع صوت العتاب

لتلوم المحب لو عتب لتلوم اريد اشكيلك هموم

* * *

كضيت الحياة ابسجن هارون وابأفعاله سمك
واشچم شاب مثلك عدنه مسجون نشكي الحاله يّمك
مثلك رادوا ابدمهم يضحون وهمهم مثل همك
واتنفذت هالاحكام جور وظلم واعدام
ولو دام الكفر هالظلم ميدوم اريد اشكيلك هموم

* * *

صوت الفاجعه من الكلب مرفوع واتصوّب كلبنه
وابدار الغرب محنيه الظلوع من لوعة غرينه
نعتب والجفن فايض بالدموع من يسمع عتبته
يالكاظم واشد حال عدنه اتيتمت اطفال
مثال ايتامكم غدرتهم الكوم اريد اشكيلك هموم

* * *

چني ابكريله والمدمع يسيل وانظر لليتامه
من هجمت عليها غارة الخيل واتصيح ابلامه
ييدور السعاده خيم الليل وين اهل الكرامه
وزينب ويه الايتام طلعت تشكي الالام
وصاحت صوت يم جثة المظلوم اريد اشكيلك هموم

* * *

طهران / ١٩٨٦ م

تريب الحيا تضرن السماء

بأنّ على الأرض كيوانها

(موشح)

العليه هلت بالحزن مرجانها تضرن طاح اعله الثره كيوانها

* * *

خطت ما صابت الراي ام العله ضنت الكيوان طاح ابكريله

ما درت طايح شبل سيد المله وبي شفت مروان كل اضغانها

* * *

لبست الدنيه اله ثياب السواد وبيه فرحت آل مروان وزيا

ابهدر دمه اغضبت رب العباد وارضت ابهذا الفعل شيطانها

* * *

للرذيله وللطمع صفت صفوف واشهرت سمر القنه بيض السيوف

الطاغي انهضها وتعنت للطفوف سارت ابذل واركبت طغيانها

* * *

اتعنت لسفك الدمه وهتك العرض چتل أبو السجاد چن عدهم فرض

غطت ابجيمانها افجوج الارض وبالعواسل شيدت حيطانها

* * *

صاحوا بصوت الذي ايشيب الجنين يا حسين اختار وحده من الثنين

لو تبايعنه وتمد انه اليمين لو تسلّم نفسك لميدانها

* * *

اوصه نفسه خامس اصحاب العبه لا ترههچ بالحرب بيض الضبه

احتزمي بالعز والمچارم والابه وانتي لنفوس البشر ميزانها

* * *

جاوبت راعيها بالعز والامان ناجحه نفسك ابهذا الامتحان

ولون ما تلگه سوى ثياب الهوان تنزع ابچف الحتف جثمانها

* * *

ويه نفسه اتحاور وصار القرار ايضحى بالغالي ولا يحمل العار

الموت بالعز للاكرام اصبح شعار فخر بالدارين يرفع شأنها

* * *

جرّد الصارم شبل سر هل اته اسفر هلاله وتوسط حومته

رّوع الجيش اثباته وهمته والمنايا ابجفه زم اعنائها

* * *

وجهه يسطع والمعاره مظلّمه وبالمهند شعل نار الملحمه

شب صليل السيف لعنان السمّه وجرمه لاح الطائر باعنائها

* * *

الارض ترجف غدت والكون انذهل ضنوا الزلزال حل بيها ونزل

اسد باسل فرع من ذاك الفحل يسلب الارواح من ابدائها

* * *

اتغيرت الواحها وجوه الغدر ضنت ابكربلا ميعاد الحشر

ابوجهه تزداد الطلاقه ويتشتر لمن ايغير الخوف الواحها

* * *

بالثبات وبالعزم والمرجله جيش سبعين الف فارس كابله

شهم وقّه ابهمته حكوگ العله وشيد الها ابصارمه بنيانها

* * *

حسين للميدان لمن افرغه للاجل وجّه الاسماع وصغه

نزل مترجل ابساحات الوغه والشهاده نشّرت ديگانها

* * *

والمنيه صافحت چفه الخضيب وفرشت الحدين عالحد التريب

والشهاده مسرعه لوصل الحبيب چالفتاة الواصلت خلصانها

* * *

والرماح السمر ركعت عاجسد وسيف شمر الحنه اعله المنحر سجد

للحوافر جسمه صار الهن مهد ونفسه فرشت عالترب ديوانها

* * *

طاح من بالحشر للمذنب شفيع وجثته اتعفرت من فيض النجيع

يا هو شايف جسد عالغبره صريع ميّت ويهرب كلب شجعانها

* * *

فوك جسمه امشجر سهام الحتوف وصار مرتع للرماح وللسيوف
يا غريب اشهاغريه بالطفوف خذك اموسد على كثنانها

* * *

ريت حيدر ييو اليه ايشاهدك الجاهليه اعله الرمال اتوسدك
الكوم عدهم ثارويه والدك كسر ابوقعة بدر اوثانها

* * *

اشلون چف الدهر من جسمك نمش اشلون خذك على التريان انفرش
اشلون چبدك ذاب من جمر العطش وصكت عليك المنيه اسنانها

* * *

اشلون يغمض من بني هاشم جفن وجسم سيدها يظل ابلا دفن
اشلون ربات الخدر فوك الهجن تطلع البحيرة بني سفيانها

* * *

اشلون تصبر بني غالب هالفحول وفوك صدرك عشر خياله تحول
ليش غالب ما ترجع هالخويل وتخلي عنتها وتقطع ارسانها

* * *

آه والجرح اللذي ما يندمل اطلعن ربات الخدر فوك الهزل
عكب اهلها العده تحدي بالابل وين عنها هاشم وعدنانها

* * *

طهران / ١٩٨٦ م

لماذا الرجوع (موشح)

اشعدها زينب عودت لحسينها باليسر وقت البينه وبينها

* * *

اشعدها زينب ويه الحسين شتريد ما كفاهها مصابها وشوفه يزيد
نست هظم اليسر لو وحشة البيد لو برض كربله اشتظرت عينها

* * *

اشعدها زينب ردت لكربله ردود ما درت بخوتها متوسده اللحود
الراح منها راح لتضنه يعود وعالمصايب بس صبرها ايعينها

* * *

اشعدها زينب عودت لرض الطفوف ما درت لو وصلت الطف شتشوف
انچان ما تگطع املها وما تعوف خل تگضي اعله اكبور سنيينها

* * *

اشعدها زينب عتب لو رايده تنوح واليسر ما خله الها بعد روح
خل تلم الحرم والطيبه تروح ويم كبر امها تكثر ونيينها

* * *

اشعدها زينب تعدي ما بين الكبور واميچان خيامها ظلت تدور
بالشكاية وبالمعاتب لا تجور حسين شاهد حركة صواوينها

* * *

اشعدها زينب امل بعد اشتتظتر شاهدت مصرع اخوتها واليسر
والتحشم بيه منها يعتذر تدري لا رايته ولا چفينها

* * *

اشعدها زينب حايه اعله المشرعه وغدت تتمثل اخوها ومصرعه
ما درت بچفوف اخوها امگطعه وجثته بفيض الدمه مغسلينها

* * *

اشعدها زينب تذكر ايام الدلال ما درت بخوتها متوسده الرمال
خل توزم روحها اجمع العيال حيث بمر العايله اموصينها

* * *

اشعدها زينب والعلياها ادته الراده منها حسين عكبه سوته
حفظت العايله ونصرت ثورته وسبت بالشام الذي ساينها

* * *

اشعدها زينب واليريده حسين صار وضع اميه منها صابه الاختيار
خل ترد عيال اخوها للديار العتب وين وروح زينب وينها

* * *

كربلاء المقدسة / ١٩٧٦ م

استنهاض المنتظر (عجل الله فرجه) (موشح)

الدنيه تاهت والطمع عاميها يظهر ابن الحسن وايفيها

* * *

يا كلب اترك دياجير الظلام ولا تضن الدنيه تمشي اعلى المرام
بيها متساوي الحلال ويه الحرام وصار سافلها مثل عاليها

* * *

السافل اويه العالي صارن فد قياس والخيانه اتغرست من الاساس
هيّه هيّه الناس مختلفت الناس شفته اولها وبعد تاليها

* * *

واللي چانت راضيه ابعاد وثمود ترضه بحكام النصاري واليهود
ابن ربعي وحرمله ردوا ردود ونفس ذبيح سيوفها ابايديها

* * *

بعده عرش يزيد ثابت عالحكم وهالظلم مفترع من ذاك الظلم
چم عزيز وعلى الذله منرغم هاي دنيه وبعد تدري شبيها

* * *

جزع صبري وما جزعت من الصبر بانتظار الغايب افنيت العمر
الصبر عالموعد احر من الجمر الجمره لو فاض الدمع يطفئها

* * *

واحنه جمرته متطفه بالنحيب اشما نكثر الدمع يزداد اللهيب
لا ولا علتته تحتاج لطبيب بس ظهور الغايب ايداويها

* * *

كبل ميصيح اللسان الكلب صاح يا فرع عدنان يا سر الفلاح
تظن ويه جسومنه ظلت ارواح هالارواح ابرجك امغيبيها

* * *

بالمساجد تنظر الوادم حشود مسلمين الشكل بالباطن يهود
راح ماضيئه وبعد ما ظن يعود والرعيه تيهت راعيها

* * *

اشلون چان انه مجد بين الحسن لچن يا وسفه تبدل بالفتن
على الأمه انضربت استار المحن حيل ويه اللي جفت مهديها

* * *

آه لو بالناس يالغايب تريد تنادي يا ثارات محزود الوريد
تلگه بيها شچم شمر وشچم يزید وچم عقيلة هاشم املوعیها

* * *

لو صدگ هالناس تتنه طلعتك چان سارت على منهج سيرتك
نفس هاي الكوم يسروا عمتك والسکينه ویه الظعن ساییها

* * *

طهران / ۱۹۸۵ م

النعي، الأبودية، الموال

النعي

انتقال الرسول (صلى الله عليه وآله) إلى الرفيق الأعلى
غرب هلال النبي المختار بغيابه صار الذي ما صار
مظلمه الدنيه عكب الانوار واتلاهبب وسط الكلب نار
امته تاهت منها الافكار وظلت تحن بالخان واطوار
ابجف المصبيه ادفنه الكرار وصب اعله جسمه دموع الانظار
ظل أبو الحمله عكب مختار ينعه وينوح ودمعه فجّار
مغوار وينوح اعله مغوار حيدر فكد درّة الاطهار
جر النوايح ليل ونهار ما طالت وكصرت الاعمار
هجي تغيب بدور الاسحار
ام الحسن طلعت كظيمه ودموعها اعله الخدر سجيّمه
تنادي بيويه اشهاهظيمه خليتني عكبك يتيّمه
والنوح بغيابك لجيمه يالچنت فوك الراس خيمه
فراگك فلا ينحمل ضيمه

* * *

في رثاء الأمير (عليه السلام)
جبريل بعنان السمّه صاح بمحراه حمائي الحمه طاح
ابطيحتك طاح العز والاصلاح واجب نجيم عليه النياح
ولثاره نتفاده بالارواح ابطيرة علي راح الفخر راح
وابغيته روح القدس صاح راح اليلاعب بيض الصفاح
وگلي عليه المخزن اجراح

* * *

في رثاء الأمير عن لسان زينب (عليها السلام)
جيتك بيويه وخلص صبري وعبراتي متكسره بصدري
يا ريت گبلك خلص عمري ولا شوف دم طبرتک يجري
من هالمصايب تاه فكري انته الجنة بالشدد ذخري
يلهب ابوسط الكلب جمري ونار الحزن بحشاي تسري

جيت ارد اقدم الك عذري تدري بيويه بحالي تدري
فوضت للمعبود امري

بويه على هيجت ناري وابفرگتک هدمت داري
جيتک ودمع العين جاري گبل الجدم دلالي ساري

* * *

في رثاء الحسن (عليه السلام)
هالفاجعه من جور الايام نعش الحسن ينضرب بسهام
هالجرح گلي اشلون يلتام وابعيني انظر هاي الايتام
عبد الله ومُحَمَّد وجسام تشکي وتبث هموم وآلام
وتصبح يا دوحه الاحكام طحنه بيويه بين ظلام
وابغييتک خابت الاحلام ترضه عگب عيناک ن نظام
نشرت عمامي سود الاعلام كل يوم صار عليهم ابعام
ابهاي المصبيه انصاب الاسلام دمع البيبي عليك همام
وطير الحزن عالنعش حوام

* * *

في رثاء العباس (عليه السلام)
يا موح گلب اختک يريعه سدة اسکندر يا منيعه
يا ليث يا عين الطليعه لمن طحت فوگ الشريعه
طاحت بيوت اهلي الرفيعه ومن شفت چفينک گطيغه
ابگلي اسعرت نار الفجيغه وضعنه يخويه اشلون ضيغه
شيمتک ترضه اعله الوسيغه بالغرب تنعاف الوديعه

* * *

في خروج ام كلثوم من المخيم مخاطبة اخيها العباس (عليه السلام)
عباس يا زود البواذخ بحر الابه بيمناک ناضخ
يا جبل قاف الجنة شامخ ويا طود بالميدان راسخ
يا تاج وبروس المشايخ سيفک لراس الكون راضخ
اسمرك نفخه صور نافخ بارواح اميه من البرازخ
بيرغک فوگ الکاع صارخ لراسک اشلون العمد فاضخ

ما هزتك هاي الصوارخ

* * *

عن لسان ليلى إلى ولدها علي الأكبر
يوليدي يالاكبر يفاعي يا صل ينازل من افاعلي
حومتك شات وانته راعي لمن طحت بين ضياعي
طيور الحزن حطت بكاعلي برباك دمع امك يداعي
ما هزتك هاي النواعي

* * *

لسان رباب مخاطبة ولدها الرضيع (عليه السلام)
يني يعبد الله يحرم يا من ايسم البين مفطوم
عجبك تراني امفارجة النوم امساهره الليل واحسب نجوم
اشعندك ذنب ييني ويه هالكوم لنحرك تغطعه ايسهم مسموم
ابدال الشرب ترويك بدموم وصوبوا كلب امك المالوم
من يوم عني غبت لليوم دمع البياي عليك مسجوم
جر الحزن بالچبد مضروم وعليه طير الفاجعه يحوم
حگ ارضه واصبر على المقسوم

* * *

عن لسان رمله تخاطب ولدها القاسم
هاذ انتة يا جاسم يصنديد صل انزلت من ظهر عريد
ادريك عند الشدد رعديد هييج ابرمحك هظله الويد
هزت چفوفك تكسر الميد يوم الحرب عندك شبه عيد
وابعينك سيوف الزلم غيد ايلاعبها عزمك مثل ميريد
اشما زادت العدوان ميفيد من حيث زودك اكثر يزيد
يا نسر يحوم على الصيد شرّد صگور الكوم تشريد
هيج اعله ام الحرب لتهيد ركز السيف ابراحة الايد
لتخلي امك تنحر البيد

* * *

خطاب فاطمة بنت الحسين (عليهما السلام) لبني هاشم

آنه العليله وفكري مختار عافوني اهلي بهاي الديار
خلوني وحدي والظعن سار وطير المنام من الجفن طار
والجسم من المرض منهار تنطفي وتسعر بالكلب نار
ما وصلت من الاهل اخبار عالدرب ظليت اشبح انظار
ما ادري بهلي انصار ما صار

* * *

هالطفله ما تدري باهلها بيا باديه نزلت ابلها
ما وصلت الاخبار الها وفراگهم زيّد عللها
بغياهم فكدت أملها ودمعتها ويه الدم تحملها
بمالنايه اتكرب اجلها فوگ المرض لفراگ سلها
بالبيده طلعت من وجلها ابجر الشمس مفگود ظلها
لفاطمه خلها تنوح خلها والاهل راحت عنها كلها
وكل خبر منهم ما وصلها

* * *

ابوذيات

في مدح أمير المؤمنين علي بن أبي طالب (عليه السلام)

نفوس اهل الضغائن من فتاها
وفتوات الملاحم من فتاها
أنشدك عن الامه من فتاها
ويا هو الرفع رايتها عليه

* * *

في مصاب الطاهرة فاطمة الزهراء (عليها السلام)

مضرار الدهر للزهره ولاهي
وكلبها حكه لو يجزع ولاهي
لاهي الحظت بالهادي ولاهي
تخلصت من افعال الجاهليه

* * *

في مصاب الإمام الحسن بن علي (عليه السلام)

فرح ما شفت طول العمر بسهام
ومسيل الدمع ظل يسيل بسهام
الحسن نعشه وسافه انزومه بسهام
ومنعوا دفنه يم سيد البريه

* * *

في مصاب الامام الحسين بن علي (عليه السلام)

العله عاف العله شانہ ورحلك
وزمانك ما صفه ساعه ورحلك
تگطع جسمك الطاهر ورحلك
توزع شمله ما بين آل اميه

* * *

ندبة للامام الحجة بن الحسن (عجل الله فرجه)

ييو صالح نجومك علن وفلان
احل وياك جبل العتب وفلان
دينك طاح بين فلان وفلان
انوله لاجن ولوه اشلون وليه

* * *

دليلي ابسهم بين الحسن مرمي
وعليك الدمع دم ايسيل مرمي
دينك بين هذا وذاك مرمي
اجنازه ابلا أهل ظلت رميه

* * *

خطاب العقيله زينب لاختيها العباس (عليه السلام)

الكلب بالعزم صبرته ومنته
وفرشته اعله الترب يمك ومنته
منته الكافل ظعوني ومنته
الجبتي وياك ليش اقطعت بيه

* * *

اهمومي هموم فوك الكلب منتل
وسباح الدليل اعليك منتل
گوم ارجعنه يا عباس منتل
جبتنه وياك لرض الغاضريه

* * *

الدهر شتت شملنه بالظعينه
ودليلي سيوف اميه بالظعينه
وسافه الشمر يحدي بالضعينه
وابو فاضل على الغبره رميه

* * *

يعباس استمع عتب ولا ماي
غريبه وزادت ابفگدك ولا ماي

مهجنه بالعطش تلهب ولا ماي
يخمد جمر لوعتنه السريه

* * *

عن لسان حال الصابره ام البنين (عليها السلام)
الليالي ما اصدلهن ولا عون
دعني لا ضمّد عندي ولا عون
لا عباس لا جعفر ولا عون
ولا عثمان كلها اّكطعت بيه

* * *

خطاب زينب لأخيها الحسين (عليه السلام)
ييو السجاد كلي شصار وجره
أهيس نار حدر الظلع وجره
يكلها الطفل دمه سال وجره
رضيع وفطمته سهام المنيه

* * *

عن لسان حال ام كلثوم في غربتها
رهيف العسر لظلوعي حديها
وشبيه الكوس والحاجب حديها
الظعاين عكّب حاديها حديها
الشمر وايشومر ابسوط الرزيه

* * *

لسان حال الامام زين العابدين (عليه السلام)
اون ونحب وانوحن وحن ويهاه
على الراح وچبدتي ابنار ويهاه
الي والد شببيه البدر ويهاه
البدر عجبّه ايتوسد عالوطيه

* * *

في شجاعة مسلم بن عقيل (عليه السلام)

بنه بيت العزم سيفه وحيفاه
عجيد ويدوي بالكوفه وحيفاه
اخذ من الخصم حكه وحيفاه
وغفت عينه على سروج المنيه

* * *

خطاب سكينه بنت الحسين (عليه السلام) مع عمها العباس (عليه السلام)

لساني يلهج باسمك ورديت
وعساني مثلك اتوذر ورديت
اجيتك للنهر انحب ورديت
خفت لن النهر يشتمت بيه

* * *

خطاب الرباب لولدها عبد الله الرضيع

ضميري ابكعة المحنه يطفلي
ومهجتي من تشب دمعي يطفلي
آنه امك واهز مهدك يطفلي
نسيت امصوب ابسهم المنيه

* * *

خطاب رمله لولدها القاسم بن الحسن (عليه السلام)

يجاسم بيني حيلي عليك دمعاي
ودليلي بالنحب والنوح دمعاي
اشلون اصبر وانشف سيل دمعاي
وشفت دمك يسيل اعله الوطيه

* * *

خطاب ليلي لولدها علي الأكبر (عليه السلام)

راسي عليك يالاكبر يشبلاي
وجمر فگدك ابدلاي يشبلاي
لوين أبعدت عن امك يشبلاي
وعفتني بالغرب واگطعت بيه

* * *

خطاب الطفله العليله لدار الاهل والاحبه بعد الفراق

الفلك ما يعتدل بالعكس يا دار

ولا ينشف دمع عيناي يا دار

يدار الاهل اهليج وين يا دار

گولي ولا تخليها خفيه

* * *

جواب الدار لها

يهالتنشد عن اهلي وين ماوين

تعنوا كريله والظعن ماوين

اشتظن گلي عليهم ابد ماوين

يون وينوح كل صبح ومسيه

* * *

خطاب الطفله حميده مع والدها مسلم بن عقيل (عليه السلام)

زمانی عگب عینک سلمتني

او راحت النوايب سلمتني

رحت عدمن ييويه سلمتني

يتيمه ويا شهم وصيت بيه

* * *

الموال

يحسين طيب الوسن عن ام عيني بعد
وشاخص گبالي الحزن ما فرح گلبي بعد
شنتظر من الدهر شترجه منه بعد
فارگك عني وگطع شريان خلتنه
تدري ليالي الجفه بيا وضع خلتنه
كلما اتانيك اگولن بعد خلتنه
ما حسبت روحتك ما بيها جيه بعد

* * *

يا باني الدين يا سر الحجه والنها
وابعلمك وصارمك راح الشرك وانها
وظلت قريش ابحد منك تجر وها
والراد بيك الغدر شاف الوكت لافته
تكفيك هالمكرمه ولكل نظر لافته
جبريل بيها هتف لا صارم ولافته
بس ذو الفقار وعلي واهل الشرك وها

* * *

لو خانت ايام دهرک بالصبر جاري
من حيث حکم الجلاله اعله البشر جاري
فرکاک کثر ونيني وجزعت جاري
عاف النزل وابتعد من يمنه راح وشال
گبلك تراني البعد وهن عضاي وشال
لو چنت تقره ابصحف يعگوب دمعہ وشال
(اقره ابصحف مدمعي الطول العمر جاري)

* * *

گلوب التودک هوت من بحر شوگک ترد

شيعتك وانتة اتعرف يا أمل منك ترد
من كثر ما تحملت ضنيت بيها ترد
وچبودهم سيدي هالغرب ما ردها
خانت الدينيه وبعد يالحسن ما ردها
آنه عبدكم وابد للنخوه ما ردها
(حاشاك وانتة امام وليحشمك ترد)

* * *

في حق القاسم بن الإمام موسى بن جعفر (عليه السلام)

يا شبل موسى النوايب جارت وعمتك
وضنت ليالي الهظم بسهامها عمتك
ما تدري انتة البحر عيب المحن عمتك
يا كعبة اهل الصبر كلب المحب طفله
ملتهب بمصبيتك بس الدمع طفله
وانچان انتة ابوفاتك يتمت طفله
(چم طفله متيتمه من يسروا عمتك)

* * *

في حق الإمام الرضا (عليه السلام)
ابروضة جنانك دليلي بالرضا مامون
خادمك مختار تدري لغيركم مامون
واتبجحت من گلت خادم الك مامون
من حيث انتة الامان الهالبريه ورضا
گلي ابودادك تمنه هالخدامه ورضا
مثلک ابهذا العصر چم رضا انسم ورضا
(ومأمون هذا العصر مختلف عن مامون)

* * *

في حق الزهراء (عليها السلام)
يا دهر دونك كتابي وبالخزن فضه
دلالي من فعلتك بحر الصبر فضه

يا يوم اسمع ضميرك للحزن فضه
ما ضغت منك ابد طعم الشهد بسمار
والطاغي عالدار وجر مهجتي بسمار
من هجمته فاطمه صاحت نبت بسمار
(ومن وگع منها الحمل صاحت علي فضه)

* * *

الفهرس

٢	مقدمة
٤	في قصائد الكعدة
٥	علي بن أبي طالب (عليه السلام)
٩	ثورة الحسين (عليه السلام)
١٢	وداع القاسم بن الحسن (عليه السلام)
١٥	نكبة السي
١٨	لسان حال الشاعر
٢١	الحقايق
٢٤	فخر الشباب علي الأكبر (عليه السلام)
٢٧	ليلة الحادي عشر
٣٠	سيد الساجدين (عليه السلام)
٣٣	فاطمة العلييلة
٣٥	حبيب بن مظاهر
٣٨	الوداع مع الحسين (عليه السلام)
٤١	استنهاض الإمام علي (عليه السلام)
٤٤	ام البنين (عليها السلام)
٤٨	من قصائد الغفران (الهجري)
٥١	في قصائد اللطم
٥٢	نافع بن هلال (بحر الطويل)
٥٥	صبر الحوراء زينب (عليها السلام) (بحر الطويل)
٥٧	الزهراء (عليها السلام) بعد الرسول (صلى الله عليه وآله)

٥٩	الانصار طلاب الغائمة
٦٢	عبد الله الرضيع
٦٥	الله، أي دم في كربلاء سفكا
٦٧	بطلة كربلاء
٧٠	مسلم في الكوفة (موشح)
٧٢	مسير السبايا (موشح)
٧٤	إبراهيم بن مالك الأشتر (موشح)
٧٧	دفن الحسين (عليه السلام) (البحر الطويل)
٧٩	زيد الشهيد (بحر الطويل)
٨٣	جابر الأنصاري
٨٦	العباس بن علي بن أبي طالب (عليهما السلام)
٨٩	في وفاة الرسول الأكرم (صلى الله عليه وآله)
٩٢	مع جنود الحسين (عليه السلام) (عكيلي)
٩٤	التوحيد
٩٦	هذا حسينك في العراق محزوز الوريد من القفا (موشح)
٩٩	يا آل نزار (موشح)
١٠١	الإمام الكاظم (عليه السلام) (موشح)
١٠٣	متى تظهر (موشح)
١٠٦	حميده بنت مسلم (البحر الطويل)
١١٠	صريع المحراب
١١٣	الهاشميون أبطال الوغى
١١٦	وداعاً يا حسين
١١٩	رمز الإباء
١٢٢	الإنسان والمسؤولية

١٢٥	إلى رهين السجون.....
١٢٧	تريب المحيّا تضرّ السماء.....
١٣٠	لماذا الرجوع (موشح).....
١٣٢	استنهاض المنتظر (عجل الله فرجه) (موشح).....
١٣٤	النعي، الأبودية، الموال.....
١٣٥	النعي.....
١٣٩	ابوذيات.....
١٤٤	الموال.....